





311123

I St. Dr.

XI. 9. 34

VI. h. 109.





~~W. a. 5.~~

NA



AP

NARRATIO LEGATIONIS

ZBARAVIANÆ

Et rerum apud otthomanos

Anno 1622. Gestarum.

Conscripta à

SAMVELE KVSZEVVICZ.



DANTISCI,

Apud Georgium Forstnerum. Anno 1645.

Cum Privilegio S. R. M. Polonie & Svecie.

INSTITUTION
OF THE
LIBRARY OF THE
MUSEUM OF
COMPARATIVE ZOOLOGY
AND ANATOMY
OF THE
HARVARD UNIVERSITY
CAMBRIDGE, MASS.



NARRATIO
LEGATIONIS
ZBARAVIANÆ,
ET RERUM APUD OTTHO-
MANOS ANNO 1622.
GESTARUM.

Conscripta
à
SAMUELE KUSZEYVICZ.



Dantisci,

Apud Georgium Forsterum,
M DC XLV.

*Cum Privilegio S. R. M.
Polonia & Svacia.*

LEGATION
 ZBARAVIANE
 ET VERUM AEND OTTNO
 ANNO 1852
 GESTARUM

3
 SAMUEL KUSCHWIG



311123

I. St. Dmk.

Apud Georgiam Fortitudo
 M. D. XCV
 Cuius Privilegia 2. 1. 11.
 Totaque 2. 1. 11.

S.

ILLUSTRISSIMIS
PRINCIPIBUS,
D.D. GEORGIO DEME-
TRIO ET CHRISTOPHORO
CONSTANTINO, DUCIBUS
IN WISNIEWIECZ ET
ZBARAZ.

Principibus Juventutis
Polonæ.

Non erat ambigendum,
Principes Illustrissi-
mi, cui potissimum
hoc opus meum irem dedica-
tum: cum Vestrum amplum sta-
tim se menti obtulerit nomen,
cui id jure quodam deberi, mul-
tis de causis, videbatur. Primo,
quia Christophori Zbaravii,
de quo hîc agitur, species, in Vo-
bis ita elucet, ut nihil fuerit tam

*laudabile in eo , quod fronte, &
 oculis non monstretis in animo
 vos habere. Vos certè, non modò
 sanguinis , & fortunæ Zbara-
 vianæ hæreditatem adepti, sed
 etiam virtutis patrimonium, id
 unicum curatis, ut brevi pri-
 mùm ipsam famam, dein fidem,
 & admirationem omnium, su-
 peretis. Deinde, quia Principum
 Iuventutis est, bene de publico
 meritos, tanquam creditores
 laudis, & Virtutis, noctu quoque,
 & in somnis, sibi ante oculos pro-
 ponere, ut & ipsi in tantum
 aliquando laudentur, in quan-
 tum Bonorum virtus laudari,
 & intelligi potest. Præclare a-
 pud Platonem Socrates, cuius
 nomen non hominis, sed integri-
 tatis*

tatis innocentiaeque, etiam hoc
sterili virtutum saeculo, putatur,
facinoribus majorum se delecta-
ri, dicit. Quippe ex iis, tanquam
qui viam aliquam confecerint,
qua & adolescentibus ingredi-
endum sit, modum ardua quæq;
promis conatibus aggrediendi,
cognoscendum, ostendit. Denique
humanitas Vestra, quam, in hac
purpura ætatis, omnibus impen-
ditis, hoc à me, ut Vobis laborem
meum dicarem, & nuncupa-
rem, poscere videbatur. Vos pro-
fectò res hætenus aliis, inter ru-
dimenta ætatis dissociabiles, cla-
ritatem generis, & comitatem,
conjugali vinculo copulastis, &
miro utriusq; virtutis tempera-
mento, ita conciliastis, ut in hac

*Illustri Academicæ Iuventutis
Coronâ, tam magnum quàm no-
vum relinquatis exemplum. Ac-
cipite igitur, Principes Illustris-
simi, hoc opusculum, pro æterni
servitiû, quod Vobis profiteor, te-
stimonio, quasi votivam tabel-
lam; tot nominibus obnoxiam
Vobis, atque debitam, fronte sere-
nâ; velut ab animo observantiæ,
& studii in Vos plenissimo, pro-
fectum. Eminentia certè colere,
& Diis supplicare, nemini un-
quam vitio fuit.*

Summæ Vestræ Ampli-
tudini

Nexu, & obsequio
proprius

SAMUEL KUSZEVVICZ.

NARRATIO
LEGATIONIS ZBA-
RAVIANÆ,
ET RERUM APUD OT-
THOMANOS ANNO 1622.
GESTARUM.

MAGNORUM Viro-
rum facta dictaque
posteris tradere, apud
exteros usitatum, ne
Nostri quidem rerum Scriptores
omisere, quoties illustres aliqua
anime calamitatem temporum in-
suam, & Reipub. gloriam con-
verterunt. Sed, ut apud exteros,
æternitati superstites consecrare,
laudabile, magisque solenne est:
ita Nostri iis tantum, quos mors
odio, aut gratiæ exemit, debitum
præmium conferre curarunt. Ac
plerique olim, ut, quod ætati

10 NARRATIO LEGAT.

magnorum defuerat, de suo addiderunt: ita ipsi tam diu cum posteritate vixere, quam diu literis pretium, vel nomen, & existimatio constabat. At mihi nunc narraturo Legationem Christophori Zbaravii, veniâ opus fuit; quam non postulâsem, ni viderem ingenii mei tenuitatem, & multos, qui famam, quam per ingenium consequi non possunt, labe literarum non dubitant sollicitare. Audivimus nuper, cum decoris ingeniis novissimum in Valachia bellum memoraretur, reprehensum fuisse; neque in ipsos modò Authores, sed in fidem quoque eorum involatum; solito jam legentium vitio, qui sæculum infectum, & adulatione fordidum, appellant. Scilicet ad eò cuncta ab hominibus æstimantur, atq; tunc facile gignuntur,

tur, quóque longiùs ab obvia rerum similitudine removentur, hoc magis scriptorum esse creduntur ficta tantùm, & placita. Dedimus profectò grande obtrectationis, & livoris documentum, & sicut exteri, domestica tantùm, etiam modica, magis famæ, quàm virtutis, & eruditionis pretio, ac usu extollunt: ita nos, misso domesticis repudio, virtutem nostrorum, & eruditionem deprimimus, aliena immoti contemplamur. Memoriam quoque Bonorum perdidissemus, nisi virtus ipsa sibi præsidio, supra fortunam, & latratus posita esset, & nisi libertas daretur, in ultionem eorum surgere, qui, aut literarum innocentiam proscribunt, aut gloriæ civium famæque insultant. Nunc demum multis magnus est animus,

& quanquam semper in Regno,
 rarâ populorum felicitate, senti-
 re quæ voluimus, & quæ sensi-
 mus proferre licuit, regnante
 tamen Uladislao Quarto, Musæ
 majestatem suam, & libertatem
 potissimum tueri videntur. Ar-
 cana quippe quædam vis est,
 quæ non modò ipsa regna, sed
 etiam animos solet immutare,
 & sæculum unumquodque ge-
 nium habet, & peculiare quid,
 quod sectatur. Quod si Princi-
 pum benevolentia, magno ad
 præclara quæque incitamento,
 multi eriguntur, præclarus quis-
 que ingenii, & eloquentiæ, faci-
 liùs inflammantur, mediocres,
 & nos, ut ita dixerim, bonarum
 artium rudes, majora viribus no-
 stris agitamus? Non ergò pige-
 bit, vel inconditâ, ac rudi voce,
 memoriam spectatæ virtutis, &

exantlati pro Repub. laboris, testimonium composuisse. Et certè apud omnes, hic liber, honori Zbaravianæ gentis destinatus, ut professione pietatis laudabitur: ita imitatione quorundam excusabitur. Neque enim ego unquam eorum industriam laudare potui, qui suo dicendi genere, neminem ex veteribus Magistris, & sapientiæ professoribus sequuntur. Cum Macrobio, veteri scriptore, loquar. *Is est fructus legendi amulari ea, quæ in aliis probes, & quæ maximè inter aliorum dicta mireris, in aliquem tuum usum opportunâ derivatione convertere: quod & nostri tam inter se, quàm à Græcis, & Græcorum excellentes, inter se sæpe fecerunt.* Cæterum ego jam negotii mei initium edisseram: & quia ad secreta, & arcana penetrare non pos-

sum, proxima tantum, & obvia memorabo, nihil demens, aut addens vero, sed omnia ex fide.

Sigismundus, ejus nominis Tertius, Rex Polonorum, bello cum Turcis in Valachia confecto, Legatione Osmanum adoriri existimavit; ut ea, quæ in castris pacta utrinque, ac destinata fuerant, comprobarentur. Visus est vigens, ac par negotio præ cæteris, Christophorus Zbaravius, excelsi vir animi, & ad curam Reipub. indole, ac rerum maximarum usu factus. Namque per multa experimenta, non in privati, aut inexerciti ingenii disciplina, sed inter publicorum consiliorum rationes, arcana Rerum pub. perdidicerat. Tum mittuntur ad eum nomine Regis literæ, quibus postulatum, ut publicæ cause Legatione fungeretur, & edu-

ctus

Etus ad gloriam, quæ, ut mortem, naturâ aliàs æqualem, ita vitam hominum distinguit, ardua non declinaret. Fortè illis diebus in oppidum, cui nomen Konskavvola, venerat Zbaravius, & post exantlatos multiplices in Repub. labores, illic literarum secretis occupabatur, prosperâ sui famâ inter omnes, domi militiæque. Et redduntur Varsoviâ literæ, superiora continentes; addito, festinatione opus esse. Quippe Vevellius, auctoritatem Christianæ religionis præferens, habitu, & ore ad exprimendam imaginem honesti, cæterùm animo perfidiosus, & subdolus, avaritiam occultans, Senatores, hi Sigismundum Regem stimulabant. Et Zbaravius quidem, an id muneris subiret, meditationi diuturnæ reliquit: sæpius apud se pen-

penfitato , num recusatio plus
 damni in Rempub. ferret, quàm
 attrectare arduum , & subjectum
 fortunæ onus. Laudabili pru-
 dentum exemplo, qui, antequam
 magna adoriantur, æstimare so-
 lent, an, quod inchoatur, Rei-
 pub. utile, ipsis gloriosum, aut
 promptum effectu sit. Cæterum
 & his, atque aliis nutantem, pri-
 mi quisque loci, ac summæ domi
 auctoritatis, firmabat, & Frater,
 Castellanus Cracoviensis, obfi-
 stentem, multis secretisque ser-
 monibus fatigabat. Postremò,
 gnarus excelsi animi esse, cum
 virtute sua, aut existimatione ita
 colluctari, ut vtraq;, & virtus, &
 dignitas, accipiat incrementum,
 literas ad Regem composuit, in
 hanc sententiam. *Sibi certum sem-*
per fuisse Patriæ obsequium, inter
prospera sortis, vel iniqua testari;
cum

cùm primâ ab infantia, in domo Senatoria eductus, didicisset, majorem Reipub. curam, quàm suarum necessitatum, habendam esse. Et nunc nolle se committere, ut per suam ignaviam Osmanus, mobilitate ingenij, pacem, quæ in salutem Reipub. convenit, disturbet, frangatve. Verùm rogare se, ut dona Osmano Dilavoroque (id erat magno Vezerio nomen) per Sobiescium Zoravinsciumque promissa, à Rege mittantur; se impensas itineris, & lubrica casuum, amore Patriæ, & Principis, subire velle.

Hac tempestate fortè evenerat, ut motus Constantinopolitani per Russiam, & Podoliam nunciarentur. Osmanum, haud dubiò pronum ad novas res, Janizari, jussu Dauteri, Dilaverum, & Primores non paucos, promiscuâ cæde interfecerant, antequam juberentur. Haud pigebit refer-

referre Turcicum hunc motum, ut quibus initiis, quantâ Dauteri arte, gravissimum Otthomanici Imperatoris exitium irrepperit, dein arserit, postremò sacra pariter, ac profana corripuerit, noscatur.

Reversus ex Valachia Osmanus, milites plerosque Constantinopoli depulit, Ducesque eorum morte, aut fugâ punivit; quòd illorum ignaviâ Poloni, impares longè numero, modico suorum damno, aut nullo, quales ante pugnam, tales post victoriam integri ferè manserint, & illæsi. Nec multò pòst, cùm pigritia militandi inter Janizaros oriretur, fastidire Constantinopolim cœpit; Ulteriores regiones, maximè Syriam, secretis imaginationibus agitans. De in edicto testificatus, non longam

gam sui absentiam, & cuncta in Græcia exinde immota, ac prospera fore. Hæc, atque talia, Dilavero, & Primoribus nolentibus fuere, voluptatum cupidine, & quæ præcipua cura est, pericula à Cosacis, si abesset, metuentibus. Plebs primùm in incerto erat, procul, an coram, atrocior Osmanus haberetur: dehinc, quæ natura apud metu obnoxios, pericula credebant, ab Euxino mari, illo absente ventura. Igitur non modò secretæ querimoniæ, sed etiam publicæ omnium preces, ne tantum adiret iter, cuius ne modicos quidem egressus tolerarent; sucti adversum fortuita adspectu Cæsarum refoveri. At *Osmanus*, impatiens moræ, clam naves auro, & *Ottomanicæ* domûs supellectili, onerare jubet, immotus adversus

sus preces. Itaque, dum obstina-
 tum animum vident, eum, qui
 sacrorum præses est, (Mufftium
 Turcæ dicunt) exorant: iret ille,
 moneret Cæsarem, ut majorem
 publicæ salutis, quàm juvenilis
 desiderii, rationem duceret. Re-
 ligioni summum imperium ces-
 surum putabant. Et multo po-
 puli concursu, ad cohibendum
 Cæsarem, Mufftius egredieba-
 tur; cùm repentè adfertur, om-
 nem jam supellectilem Cæsa-
 rum exportari. Pavor hinc in
 omnes, & Primores, ut Mufftius
 Regiam intraret, comprecaban-
 tur. Ubi Palatium introivit, *Os-*
mano, non abditâ ambage, *Con-*
stantinopolim ab eo deferi, *Dama-*
scum spectari, exprobravit. Ora-
 tionem Mufftii exceperunt pre-
 ces Procerum: & undique, ne
 proprio tantùm ingenio utere-
 tur,

tur, à suorum consiliis, clama-
 bant. *Osmanus*, quanquam salu-
 briora etiam crederet Constan-
 tinopoli, quàm in Syria militum
 corpora fore, tamen nihil è pro-
 posito omittebat, in itinere de-
 votionem simulans, quasi visi-
 tandi sepulcri causâ, *Mecham*
 concedere voluerit; longam &
 continuam absentiam paulatim
 simulans. Sive ea vicissitudo re-
 rum fuit, sive fati lex, quæ simul
 & immota, & adamantinis con-
 stricta vinculis, averti, aut de-
 clinari, haud facilè potest. Ortâ
 luce, in urbe jam futura cædibus
 semina jaciebantur, quanquam
 plerisque sacramenti reverentia
 terrori erat, quominùs auderent
 scelus. Enimverò *Dauterus*, præ-
 cipitis vir ingenii, *Ianizavorum*
 contubernia à dire, extollere ala-
 cres, addere animum præmiis,
 hor-

hortari imbelles, ac ignavos, spe,
 si togæ, aut militiæ dignitates
 peterentur, complere; inferendo
 sæpius de *Osmano* querelas, quæ-
 que alia incitamenta irarum,
 apud infensos erant. Parentes,
 aut liberi, & tot pedores carce-
 rum, tot intervacula, fame, aut
 siti extinctorum contubernali-
 um cædes, atrociùs accipiebantur.
 Ne tamen fidei humanæ,
 juxta ac divinæ desertores habe-
 rentur, Mufftium adeunt, licen-
 tiam seditionis petentes. Hâc ac-
 ceptâ, limen Regiæ circumfi-
 dunt, consternatâ, & dubitante
 ipsâ famâ, ærarium, an Cæsarem
 invaderent. Jam exterritus *Os-
 manus* fremitu crebrescentis se-
 ditionis, & inconditis clamori-
 bus, in interiora usque resonan-
 tibus, jam spadones haud læta
 retulerant. Cum alii in mediam
 sedi-

seditionem ire, alii Soltanarum palatia ingredi, cenferent; utque fermè evenit in cœtu plurimorum, plures sententiis aliorum contradicerent, inter lacrymas, aut lamenta imbelkium. Hæsitacionem attulit tempus ac locus, quia, initio seditionis orto, difficilis ultra moderatio, & turbavêre consilium spadonum diffugia, languentibus custodum studiis, qui primò non consilia tantum, sed & dexteras offerebant, fidem, atque animum ostentantes. Donec tandem *Ianizari*, quasi externum aliquem avito *Othomanorum* folio depulsuri, ac non Principem suum trucidare pergerent, armati, ac minitabundi, Regiam, præeunte *Dautero*, irrumpunt. Quæ ubi cognita *Osmano*, ad Soltanarum Palatia pervasit, ab animo suisque desertus.

Ex-

Exceptus misericordiâ infelicis Principis, & contubernio mulierum abditus, non religione, nec cærimoniis, sed incertis latebris, imminens exitium differebat. Quippè *Ianizaros* nec Soltanarum aspectus, & imminentium locorum religio, & Priores, & futuri Principes terruere, quominus facerent scelus, cuius ultor est, quisquis successit. Itaque primùm latebrâ *Ianizaros* frustratus, postremò visus *Dautero*, per simulationem amicitiae, capitur, non suum jam imperium, quàm subditorum, aut terroris sui, secutus. Pronò in vesperam die, in carcerem trahitur, è Cæsare nihil factus; documento omnibus futurus, neminem non posse non odisse illum, à quo odio habetur, non exitium illi inferre, à quo intentatur, non expectare,

Etare, quod meretur. Circumste-
 terat interim Regiam publica
 urbis expectatio, magni secreti
 impatiens, cum odio *Osmani*,
 tum favore in *Mustapham*. Is
Ottomanico genere ortus, primis
 adhuc juventæ annis illustris, cla-
 ro apud vulgum rumore erat,
 non per virtutem, sed per sangui-
 nis prærogativam, Imperio pro-
 ptiorem. Aderant etiam fortui-
 ta, habitus corporis, lineamenta-
 que; sed procul gravitas morum,
 aut regendi scientia. Ergo, post-
 quam studia populi, & militum
 noscebantur, reversus in Regiam
Dauterus, perducitur *Mustapham* ad
 se ex carcere imperat, ignarum
 futuri. Accurrunt universi, &
 truces armis, custodiâ ruptâ, *Mu-*
stapham vinctum expediunt, &
 consentientibus Primoribus, Cæ-
 sarei dicunt. Clarum omnibus

humanæ inconstantix argum-
tum, alter ex Imperatorio folio,
dum Europam christianam sub-
jugare cogitat, defertur ad car-
cerem; alter, quem jam pereundi
necessitas constringit, ex carcere
vocatur ad Imperium. Mirum,
quòd matrem repentina lætitia
non exanimaverit, cùm, magnis
cladibus afflicta, priùs Cæsa-
rem appellatum audiverit filium,
quàm vinculis exemptum. Mu-
stapha, ut primùm suam, ac suo-
rum fortunam, supra spem au-
ctam, & evectam vidit, inter ve-
nerantes gratantesque aspicieba-
tur, non sine festo tormentorum
sono, lætisque per urbem igni-
bus. *Osmano* mox indictum ulti-
mum supplicium, auctore *Daute-
ro*: qui timendam tunc maximè
fortunam, cùm maximè splen-
det, judicans, promississe inter
ami-

amicos ferebatur , certam sibi
 perniciem, si iterum *Osmanus* re-
 rum potiretur. Sedulò, & quasi
 subductis rationibus , reputabat
 secum , modò *Ianizarorum* vio-
 lentiam, modò multorum ex
 Proceribus indolem, ut quidem
 experimento , inter hæc turba-
 menta, cognitam. Ergo intume-
 scente motu , odium *Osmano* in-
 tendit, & mortem palàm moli-
 tur; nec duos cælum Soles, nec
 duo summa Imperia Turcas, pa-
 ti posse obtendens. Ire secum li-
 ctos jubet, in cædem *Osmani*
 ardentes: à quibus protractus, in
 foribus carceris vulnus; ab ipso
Dautero, accepit. Liçtores fœdè
 suffocavêre, securi ab offensione,
 certi gratiæ. Nec propterea ces-
 satum à seditione , propalam
 grassante licentiâ, dispersis per
 plateas *Ianizaris*, & fœdissimis

exemplis, modò hoc, aliquantò
 pòst illo, cadente, profana si-
 mul, & sacra, & celebre *Othoma-
 nicæ* gentis templum, quod *Soli-
 maniam* vocant, violantur. Un-
 de per *Ianizarorum* licentiam,
 momento consumtum, quod
 tanti Imperatores, à primis retrò
 annis, maximis impensis, compa-
 raverant, ærariumq;, quod sine
 fundo videbatur, & in sæcula suf-
 ficere poterat, exhaustum. *Dila-
 verum*, supremi *Vezeri* officio tu-
 mentem, & cæteros, maturos an-
 nis, spectatos bello, invasêre. E-
 nimverò exacto per scelera die,
 supremo iudicio *Dauterum* præfe-
 cerunt, posthabitis multis, in
 eam spem erectis. Ita, occulto
 quodam naturæ suoque instin-
 ctu, res humanæ & nascuntur in
 dies, & crescunt, & florent, & de-
 crescunt iterum, & mutantur, &
 cadunt.

Hic

Hic fuit rerum *Ottomanicarum* status, cùm *Zbaravius*, Regis arbitrio, & summo Reipub. applausu, *Constantinopolim* Legatus destinaretur. Retardavit ea res consiliùm *Zbaravii*, jam de Legationis itinere secum, & cum Fratres agitantis. Itaque, anxius quòdam *Cosacorum* vis erumperet, ne *Valachis* quidem confisus, quod remedium unicum credebat, litteras ad *Cosacos* dirigit, recensitoque juramento illorum, multa præfatus de fide in Rempub., ut se à furtivis excursionibus, adversum Turcas, & *Tartaros*, contineant, monet. Paucis pòst diebus, volutatis inter se rationibus, & expensis itineris consiliis, *Varsoviā* misit, ut epistolæ, nomine Regio, ad Cæsarem scriberentur, donaque in castris *Chocimicis* promissa, procul morâ, mit-

terentur. Ipse, diversis in prædiis paucos moratus dies, dum literæ ab aula afferentur, transitum parat per *Valachiam*, *Turcis* nexam, prudens, facilem mutatu gentem, utpote, quæ fidem lucro habeat quodammodo oppigneratam. Exeunte Julio Mense literas, ad Cæsarem perferendas, ac monita, ex quorum præscripto ipse se gereret, accepit. Ad extremum adjunctum, *Osmanum Dilaverumque* interfectos, donis non egere. Tùm verò magno dolore accensus, rursus ad Regem literas mittit: de Cæsaris *Vezerique* cade sibi compertum esse, verùm & in *Mustapham* caput Imperij devolutum, & novum *Vezerum* renunciatum, ac utrumque sibi hospitalia dona magnâ curâ haberi. Consularet Rex Legato, ac promissa mittere maturaret. Homines

mor-

mortales, & cadibus obnoxios, ceterum magistratus æternos esse. Se id dolenter tolerare, eò contemtionis descensum, ut ne Legato, & civi Reipublicæ, obsequio & fide in Patriam cum omnibus certanti, crederentur. Reputaret Senatus, non perinde judicari posse, quid optimum factu fuerit, quam pessimum fuisse, quod factum est. Dierum aliquot moram interponere, Regi consultum erat. Ad extremum dona Cæsari, & Soltanæ mittuntur; Vezero tamen denegata sunt. Et, jam evulgatâ per Regnum Zbaravij protectione, multi undique, quos decus, & gloria intraverat, accurrentes, hæc, quæ necessitatis, aut splendoris erant, in tempore curavêre. Nec arduum videbatur, gravidas adversis tempestates in Turcico solo perferre, siue, inter tot nutantes, tot infe-

stos, versari. Consultatum deinde inter domesticos *Zbaravij*, quique alii consanguineorum aderant, quisnam *Constantinopolim* pro literis fiduciæ ablegaretur. Et omnium ore *Stogniëvius* celebrabatur, fidei expertus, ac maturâ domi prudentiâ clarus. Huic comes adiungitur *Baptista Vevellius*, *Turcarum Polonorumque* gnarus, quanquam hic, per speciem amicitix, dolum parabat.

Per id tempus atroces rursus *Constantinopoli* nuncii, de integro, quasi è seminatis Draconis dentibus, nova bella civilia surrexisse. Quippe *Dauterus*, quam assentandi aucupio, ac voluptatum artificio, apud Cæsarem gratiâ præibat omnes, in visus Primoribus fuit. Secretis criminationibus, velut à Cæsare avversus, spe pravâ rapiendi imperii infla-

inflatus, ad *Soltanam* deferebatur,
 palàm laudatus, ut clam subver-
 teretur. Nec ultra mora. Qui-
 dam Primorum, adductis per-
 cussoribus, ante metum, & timo-
 rem, eundem capiunt, proclivi
 in vesperam die, Paucis dehinc
 interjectis horis, necessitate ex-
 tremâ ad mortem agitur, quòd
 primus *Osmano* vulnus inflixerit,
 primus iras militum accenderit.
 Cùm subitò uxor ejus, victa in
 lacrymas, & veste servili, in se-
 ditionem pergit; *audirent suppli-*
cem, neve maritum trucidarent, vo-
cibus inter lamenta abruptis, identi-
dem orabat. Et datus precibus lo-
 cus, ac quantùm iræ facinus ma-
 riti in animis Procerum permov-
 erat, tantùm misericordiæ uxor,
 quia sanguinis *Ottomanici*, con-
 civit. Igitur *Dauterus* vitâ dona-
 tur; sed loco & dignitate mo-

B s tus,

tus, dedit exemplum, propius à casu nos abesse, quò ad culmen ascendimus altiùs. Successit in ejus locum *Mustapha* quidam, nullo judicio, nullâ rerum experienciâ firmandæ dominationi par: otium ratus magistratum, quo nihil est in mundo negotiosius. Unde patuit, gloriam fortunæ interdum, non semper virtutis esse beneficium. Postea ejus felicitas, more sortis humanæ, præcipiti casu ruit. Namque eum, paucis interjectis diebus, detrudunt; sive ob livorem tantæ felicitatis, ac potentiae jam nimiae comitem, sive, ut illi præferebant, curâ prudentioris. Mox *Husseimus*, vir militiæ experimentis hætenus satis clarus, *Vezeri* dignitate, & omnibus secundùm Cæsarem, rebus est præpositus. Licito jam, aut, petulantiâ temporis

poris recepto more, sub *Ianizarorum* voluntatem magistratus cadere, & animis aliquando ad horum studia accensis, subinde contra irritatis, imperare, ruere. Neque *Husseimus* principio quidquam omittebat, si quâ viâ posset malis occurrere: adeò ut illicò se omnibus probaverit, ostenderitque, se, in omnes Imperii necessitates, intentum esse paratumque. Bellum ante omnia, malorum radicem, amputaturus, *Samuelem Koreccium*, inermem captivumque confecit, intentior, quàm minacior. Multa de ea re apud Cæsarem differuit: *mansuram inter Polonos & Otthomanos discordiam ostendens, ni novi belli materies exstirparetur*. Nec aliter suadebant Procerum multi, qui à Cæsare in consilium adhibebantur. Captus est *Koreccius in Valachia*,

chia, & Constantinopolim deportatus, pòst turri, cui nomen *Iedikula*, clausus. Illic, indignissimum casum ægrè tolerans, à liCTORIBUS, ad cædem missis, corripitur, ostendentique cuidam decretum Cæsaris, animum quidem morti destinatum, ait, sed non permittere liCTORIBUS gloriam ministerii. At ille, quamvis inermem, prævalidum tamen, & iræ, quàm timori propiorem, cernens, premi à liCTORIBUS jubet. Nec omisit *Koreccius* obniti, & intendere ictus, quantum manibus nudis valebat, donec à liCTORIBUS vulnere adverso, tanquam in pugna, caderet.

Cognitis iterum *Zbaravius* *Turcarum* rebus, magnitudine periculorum in diversas curas trahebatur. At, hercle, illum ambiguum jura gentium, & ayita virtus

tus exstimulabant. Reputabat secum, non ignaviâ magnam gloriam parari. Virtutem inter pericula, & hostibus coram maximè spectari. Id gloriosius, quod difficilius paratur. Per prona, & secundarum rerum prænuncia auspicia, cujusvis privati, per ardua ad immortalitatem tendere, Principum virorum laudem esse. Et commodum usque id temporis redierat *Stognievius*, quem *Constantinopolim* properè allegaverat, retulitque, tutam Legato honoratamque sedem *Constantinopoli* fore. Et sive pacem ferret, sive bellum, abiturum fide, quâ veniret. Talibus igitur firmatus, diem indicit, quâ *Camene-cum* conveniant omnes, fortunæ *Zbaraviane* innexi. At, postquam accepit captum *Iassis* (*Valachis* ibi aula) *Veyellium*, suâ cum contu-

meliâ, etiamnum detineri, rei indignitate commotus, ad Principem *Valachiae* scribit, sacrum, etiam inter barbaras gentes, Legatorum jus, aut fidem erga Polonos, memorans. Cùm ecce trepidus nuncius, curis eum non parvis implicuit. Nam tum rumor incesserat fortè, egressam *Valachiâ* colluviem, *Podoliam*, conterminam regionem, ferro, aut flammis vastare; fugientibus agrestibus, aut congregari non ausis, qui, errore veri, *Tartaros* irrupisse disperferant; sed pertracti in oppida aliquot, interrogatique, quinam mortalium essent, postquam nulla dictis fides, & à nostris noscebantur, conditione vagabundi, gente *Valachi*, summum de illis supplicium, in latronum modum.

Itaque

Itaque September se jam pro-
 vexerat, cùm agmen, & iter Le-
 gati ordinatum est. Mox post
 publicam officii & curæ suæ te-
 stationem, *Lublino*, publico judi-
 cio, factam, *Camenecum* venit :
 Supremum illum omnium arbi-
 trum, & moderatorem venera-
 tus, uti Legationem publicam,
 pietate Patriæ inchoatam, suâ
 ope attolleret. Gnarus, sine cœ-
 lesti indulgentia, nihil provi-
 denter homines auspicari. In-
 terim adventu ejus audito, inti-
 mus quisque amicorum, & ple-
 rique militares, ut quisque sub
Zbaraviis, *Visnievieciis*, *Czertevin-*
sciis, sive virtutis studio, sive
 mercedis causâ, militaverant,
 venêre *Camenecum*. Et quæ-
 vis ibi comitatus officia utrin-
 que oblata sunt. Inde præcipi-
 ti in occasum die, per Tyram,
 qui

qui Polonos *Valachosque* interfuit, in *Valachiam* flexit: & spectato munere *Chodkievicij*, vestigia belli, anno proximè elapso gesti, contrectare oculis proposuit. Aderant milites, monstrabantque pugnæ locos. Hic stetit se contra impetum *Ianizarorum Ioannem Veyherum*: hic *Cosacos* interdum ambiguè, sæpiùs feliciter, præliatos: inde *Stanislaum Lubomirscium* pugnam pariter, & cladem *Turcarum* exorsum. At ortâ luce, *Osmani* etiam castra circumivit, spatia certaminum cognoscendo, strues corporum intuendo, mirandoque. Eterant, quos moverent belli, & præliorum incerta, quæ subinde faciunt, ut major hoste sit, & qui par, & qui minor fuit. Ex campis *Chocimicis*, cum expedita manu, non lento itinere, ne cunctari vide-

videretur, neque tamen properans, gliscere famam de se per *Daciam* ipso spatio sinebat; cum initia rerum pro fama esse, & ideò utenda existimaret. Multâ deinde die flumen, quod *Pruti* nomen habet, transgresso occurrit Princeps *Valachia*, (*Thomæ* fuisse nomen ferunt) provectâ ætate, cum duobus Equitum vexillis. Miscebantur obvii alii Primores *Valachorum*, albis, & detritis tegminibus, quidam à Principe coacti, plures illos secuti. Ante Legatum familiares, splendidâ veste, Juventus, armis, & tergis animalium fulgentes, virtute, promissis, aut dignitate Reipub. accensi. Ipsius Legati phaleræ cultusque splendebat; cum, ut famam ex conatu, ita gloriam ex apparatu sæpius intendi, non ignoraret. Cæterùm, animorum

Vala-

Valachicæ gentis prudens, simul-
que doctus per aliena experi-
menta, quanquam de industria
cunctantem Principem, prior
non salutavit. Tandem Princeps,
vultum Legati circumspectans,
fuetâ *Valachorum* ambitione al-
loquitur: *Grates se Deo agere,*
quòd, firmandi fœderis causâ, Con-
stantinopolim eat, ut regiones hæ,
continuis cladibus, & atrocissimis ex-
cursionibus afflictæ, pace fruantur. ut
Cosaci Tartarique coërceantur:
qui tumultuario exercitu impune
prædabundi, pecudum hominumque
abactu, creverunt. Verùm mirari se,
quòd tam multum moræ in inchoan-
da Legatione sit consumtum. Unde
Legatus, usu eloquentiæ prom-
tus, laudatâ humanitate Principis,
& fide in Regnum modicè percursâ,
exceptit. Non tutum fuisse Con-
stantinopolim ire illo rerum turbi-
ne,

ne, quo, *conversis ad civiles iras Turcarum animis, externa sine cura habebantur. Se moleste ferre, Vevelium, comprehensum lassis, adhuc à Valachis concludi, violato, quod Barbaris etiam sacrum est, gentium jure.* Princeps, quanquam Legato præsentem indignationem texit, offensus tamen non leviter, Legatum gravius post apud *Vezerum* inculpavit. Quod, sicut alia subdola, & perfidiosa, in loco à nobis memorabitur. Inde, inter coeuntes nostros *Valachosque*, salutatione factâ, in tabernacula, Legati causâ expansa, ventum; ubi largis cupulis vinoque, manente per speciem amicitia, exceptus Princeps. Libatis, qui nunc mos est, Turcici Imperatoris & Poloniæ Regis, salutis, poculis, id curabant familiares Legati, ut

res

res Turcarum, concordiam, consilia, animos, quantum fieri poterat, indagarent. Sed Valachis in rebus, quas non oculerent, naturâ suspensa semper, & obscura verba: tunc verò nitentibus, ut aliud loqui viderentur, linguam vero cohibebant, ne quid erumperet, incertum, metu *Turcarum*, an per invidiam adversus nostros. Secutâ die, comitante *Valachorum* Principe, ventum in campos, quos ferunt olim uberes, incolisque habitatos, ab *Alberto*, Rege Poloniae, hostiliter populatos; multum sanè memorando in partem Polonorum eventum. Vesperascente die, cum Princeps *Valachiae* injurias coeli, ac pluviarum tolerare non posset, tum ut *Vevellium* dimitteret, cum fidissimis Jassos pergit, neque fidei con-

constans , neque strenuus in
 perfidia. Polonos cupido inces-
 sit adeundi videndique locum, in
 quo *Ioannes Potoccius* succubuit,
 cum egregia suorum manu. Nec
 quisquam erat adeò rerum hu-
 manarum immemor, quem non
 commoveret illa facies , Poloni
 exercitus Ductorem , hostilium
 rebelliumque Legionum paulò
 ante Victorem , versâ fortunâ,
 vicinas inter gentes succubuisse.
 Usque adeò res humanæ, quoti-
 es in altum surgunt , eò faciliùs
 graviùsque ad ima decidunt.
 Cœptâ luce, *Valachorum* Princeps,
 Jassis cum *Vevellio* egressus , ite-
 rum Legato occurrens, occanere
 cornua tubasque jubet. Ipse Le-
 gatum accedens, amicitix simu-
 latione rogavit , uti in oppidum
 diverteret. Legatus primùm am-
 biguus , seu quia occulta formi-
 do

do reputanti suberat, haud prosperum in *Zolkievio* Imperatore favorem *Valachorum*, breves, & infaustos semper adversus Polonos amores: seu quia in Legationis curas, & pridem consulta, intentus erat. Deinde annuit; usus pro securitate prudentiâ. Atque, promotio sensim itinere, oppidum inivit, magno mortaliū accursu, & eximiis Principis cultus officiis, ac donis; cū ita tegi fallacia sua consilia arbitraretur. Interea temporis *Cantimirus*, subitanæ felicitatis sensu corruptus, transistrianum *Scytham* misit ad Legatum (dubium an ex composito cum *Valachorum* Principe) qui expostularet, moram in Legatione esse. Iret properè potiùs Legatus *Constantinopolim*, aut se ex *Silistria*, omni præcisâ morâ, *Varsoviâ* castra trans-

translatum. Ad eam legationem delectus, acris quidem, sed præcipitis ingenii, & linguâ procax, adiit Legatum, & mandata superbè, atque inurbanè edidit, viridantem ramulum manu præferens. Legatus, cui vetus, & penitus infixum erat, ita consilia tractare, prout ratio rerum, aut occasionû velocitas patiebatur, paucis respondit. Nequâquam decorum muneri suo fuisse, Constantinopolim ire illis turbidis rebus, divisis studiis, & magno omnium motu. Addiditq; Valachiam superiori bello consumtam, vastas solitudines, aditus viarum latronibus septos, & alia festinationis impedimenta. Enimverò severo hominem vultu intuitus, exprobravit Cantimiri arrogantiam, superbiamque.

Sic compositis præsentibus, in Moldaviam concessit, visis à longè

gè mœstis locis *Cecora* Polonæ calamitatis spectaculo : & *Valachorum* Principe iterum , cum utraque cohorte, accurrente, si-
ve Poloni nominis reverentiâ , si-
ve Turcarum jussu. Factum sub idem fermè tempus, ut literę *Suliszewj* , obsidis apud Turcas Poloni , in Poloniam destinatæ, Legato traderentur. His retulerat , *Husseimum*, virum necessitatibus *Turcicis* unicè accommodatum, *Constantinopoli*, & dignitate exutum, rebus admotum *Dziurdzium* , non modò sordidæ, ac præpotentis senectæ, sed etiam profundæ, & intempestivæ gule. Gliscentibus Procerum iris , publica minùs concorditer tractari : in somnum à vigiliis , ab armis ad voluptates , à negotiis in otium conversam *Thraciam*. *Vezerum* tamen , languere suos otio ignaviâque ratum , undique materiam contra
Polo-

*Polonos excitandi belli quærere ,
quem, ut assolet , reliquos Proceres,
libidine adulandi, sectari. Satis jam
compositam Persiam, commoda Ve-
zeri occasione, velut citiùs, Persarum
Rege in fide manente , Poloni, bello
aggrediendi essent. Tunc Legatus,
periculi certus , celare interim
studio altiora consilia , cætera
ex eventu judicaturus, interro-
gare Principem super Dziurdzio
cœpit. Retulit Princeps ad Le-
gatum de rebus à Dziurdzio ge-
stis, multaque de virtute ejus
memoravit, haud iniqua verbis,
re subdola, & quæ suis faciliùs,
quàm Legato persuadebantur.
Demum, conscientia flagitii, fi-
xis in terram oculis, in ipso *Va-
lachie* limite , Legatum dimit-
tit, fausta comprecatione felicem
longinquioris profectionis suc-
cessum precatus ; ita factus na-*

C

turâ,

râ, & adfuetudine compositus, ut
 odium fallacibus indiciis vela-
 ret. Legatus grates agit, & (qui
 finis plerumque solet esse cum
 externis) multis humanitatem
 laudat; sed tristior, haud ina-
 ni futuræ difficultatis præfagio.
 Cæterum multa de incepto fa-
 ctoque suo cum animo agitan-
 do, cum maximè percelli pote-
 rat, maximè tamen erectus est,
 præindole, ac ardore gentis Po-
 lonæ, cujus virtus in adversa, &
 pericula contumax. Præterea re-
 putabat secum, se Magnorum
 Parentum vestigia premere, qui
 inter prima habebant, ultrò tri-
 stissima subire, iisque non lassari.
 Deinde veniebat in mentem, nec
 inconsultò quidquam facien-
 dum, & consulta celeriter ex-
 pedienda. Nempe satis citò con-
 sultuit, qui consulti benè, & fru-
 stra

stra benè consuluit, qui, quod benè consultum est, magno animo effectum non reddit. Ad extremum, omnem impetum volubilis fortunæ virtute, & constantiâ superari.

Flumen exiguum *Valachos Moldavosque* interfluit: cujus in ripa Legatus, positis tentoriis, adstitit, ut rerum *Turcicarum* indagationi totum se impenderet. Tùm verò non multò pòst Ductor exercitûs *Moldavici* venit: qui, à veneratione Polonorum orsus, flexit ad legatum, præcipuis laudibus celebrans, quòd, *publicæ causæ orator*, Constantinopolim iret. Sui deinde *Principis* (*Radulii cognomentum erat*) latitiam, fidem erga *Rempubl. Polonam*, vel superiori bello apud *Osmanum*, & *Kapudzi Bassam* probatam, extulit. Ut sermonem finivit, respondit Legatus,

Radulio Reipubl. gratitudinem,
 suam benevolentiam testatus.
 Postridie aliquot horarum iter
 progressus, indicio *Moldavorum*
 cognovit; adesse *Radulium*, &
Procerum Moldavicum agmi-
 na; alio latere propriam ma-
 num ducente *Radulij* filio, virtu-
 tis expertæ. Itaque equo profe-
 ctus, obvium, sed articulari mor-
 bo fessum, extra oppidum ha-
 buit *Radulium*, & multos Nobi-
 lium circa. *Radulius*, magno ani-
 mo, & bonæ societatis lætus, rhe-
 dâ egreditur. Nec cunctatus Le-
 gatus, sed cùm à *Radulio* abesset
 propiùs, equo defiliens, ad eum
 deflexit. Ita pedes uterque dex-
 tras miscuere. *Radulius* in hunc
 ferè modum Legatum alloquu-
 tus. *Non hic mihi primus erga Polo-
 nos amicitia, & benevolentia dies.*
Ex quo Principatum Moldaviæ ac-
cepi,

cepi, amicos inimicosque primum ex vestris utilitatibus delegi: dein, superiori bello, & si fide erga Osmanum prevalente, (quippe Otthomano obnoxius sum imperio) pacem tamen quàm bellum parabam. Ergo Legatum Reipubl. Polonæ, Pactorum firmatorem, latius hodie excipio, atque ubi primum ejus copia, quieta turbidis antehabeo. Neque ob præmium; sed ne populationibus aperta agrorum vastentur. Tuum erit consultare, utrum prævaleat pax, inquam, me authore, convenistis, an dubij bellorum casus, & sortes hominum. Legatus, prudenti responso, Principis amœnum, & civile ingenium, miram comitatem, propensum in Rempubl. animum, extollens, egit, quæsitisanè verbis, ejus virtuti gratias, cumulatèque se relaturum pollicitus. Radulius, lecticæ gestamine delatus, Legatum in oppidum

invitavit. Annuit ille, jamque die
 inumbrante ingreditur, honorifi-
 cè exceptus, lautè habitus, &
 duobus insignibus equis à Prin-
 cipe donatus. *Tertio* pòst die, ma-
 gnâ utrinque specie, inde Eques,
 compositus per aliquot Turmas,
 & insignibus *Turcicis Moldavicis-*
que, hinc familiares Legati stetê-
 re. Medio campi *Radulium* Lega-
 tus arctè, nec sine utriusque la-
 crymis, complexus, abscessit, pro-
 futura consilia imeditatus. Et spe-
 ctabatur undiq; occurfante po-
 pulo, composito ore, & sermoni-
 bus variis tempus, atque iter du-
 cens, donec ad *Danubij* ripam ve-
 niens, currus, vehiculaque de-
 mittere fluvio juberet. Regionis
 hujus forma pulcherrima, &
 veluti unicum exemplum in uno
 loco gaudentis naturæ. Illic her-
 bida apricique colles, inde florida
 pra-

prata, uberrimique ad pabulan-
dum campi; juxta nemora, syl-
væque, eo prospectu, & varietate,
ut his modò illa, modò hæc sola,
interdum simul omnia gratissimâ
mixturâ lætentur. Ad *Danubium*
festâ gratulatione à præsidiis *Tur-*
cicis exceptus, *Kulikoviûm cum*
Vevellio Constantinopolim præcede-
re jussit, quantum opis ac fidei
foret in *Turcarum* Proceribus, ad
coërcendas *Vezeri* factiones in-
quisitûrum. Procedente jam die,
transgressus *Danubium*, venit in
Serviam & Bulgariam, aëris noxio
afflatu ingravescentes, tantâ mo-
rientium foeditate, ut viæ cada-
veribus implerentur. Èd insanix
incolæ venêre, ut pestilentiam,
communem casum esse existi-
ment, accidentemque ex morbis
mortem, naturæ credant finem,
non pœnam, & fatalem necessi-

tatem, quæ unumquemq; manet, præsentire quàm vitare faciliùs arbitrentur. Equidem ego universis quæ infra orbem lunæ sunt, finem ævi, aliaque, semel posita, eventura, & ad hanc legem adigi semper, non abnucri. Neq; tamen facilè mihi quis persuaserit, eadem factorum vi, ne ullum sit remedium, quæcunq; tuendis nobis in ipso discrimine faciunt, humanis consiliis præscribi. Illud potiùs existimarim, eos, qui, ambitiosè pertinaces, hæc intermittunt, cum *Apolline Delphico* impiè sentire, fatis, ne Deum quidem, posse obsistere.

Cæterùm priscos illos *Polonos* quidam opinantur, in littus *Adriaticum* delatos, adiisse has Regionem, ulterioresq;, quæ similem nostræ linguam hodieque retinent, inhabitatas cultasq;. Quidam autem,

tem, licentiâ vetustatis, *Lechum*
 (quem originem gentis nostræ
 conditoremq; memorant) hinc
 pulsum, in nostras terras venisse,
 affirmant. Mihi neque confir-
 mare argumentis, neque refellere
 quidquam hîc vacat: integrum
 sit unicuique annalium *Scriptori-*
bus demere, vel addere fidem.
 Ipse eorum opinionibus accedo,
 qui initia harum gentium, ut ple-
 risque in septemtrione, obscu-
 ra, antiquitatis argumentum esse
 volunt.

Porro, interjectis aliquot die-
 bus, in *Hemum* & *Rhodopen* Lega-
 tus venit. Ac quanquâ præceptus
 labor, ipseq; ingrediendus solitu-
 dinis, & tenebrarum horror, ad
 omnem patiëntiam animos dura-
 verat, res tamen tristis experien-
 do fuit, per tot obstâtia, & invia,

per edita, & depressa terrarum. Igitur pauca horæ insumtæ reficiendis curribus; simul montem, Poëtarum fabulis inclytum, & motas cantu Orphei rupes, nemoraque adeunt. Inde ad planum descensum est locis mollioribus, non accolarum ingeniis; ubi iumenta in pabulum missa, & quies muniendo fessis hominibus data aliquot horis. Petitis inde multis oppidis Castellisq;, transmisit *Adrianopolim*, urbem elegantem, nobilem, munitam. Hic *Ianizarorum* præfectus, quantâ potuit maximâ voluntatis significatione, Legatum accepit. Gratulatum ei Machinarum omnium festo sono, cæteroque militaris lætitiæ plausu. Et multis, quæ varietate fortunæ, & antiquæ gentis origine, veneranda, visis, venit in hispidâ,

da, & salebroſa. Hîc à *Selimo*, in omne fas nefasque avido, Patrem portentoso ſcelere, ad bellum lacéſſitum eſſe, vetus fama tenet. Juſtâ uterque manu convenerunt, & pro *Selimo* fortuna fuit: & inde locum imprecatiôni datum. Primâ lucé vidit Colloſſos, qui ſaxo ſtruebantur, dum *Oſmanus*, indole animi, ſimul ſpe inani, ex Poloniſ victoriæ, ferocior, ſuperiores Cæſares, dein ſuaſmet ipſe ſpes anteire pararet, & proferre magnitudinem *Turcarum* ultra *Tyram*, ultraque maris *Baltici* littus, Imperii *Ottomanici* reverentiam. Unde tranſgreſſus in ea loca, quæ ad propontidis anguſtias, & os Ponticum pateſcunt, olim annonæ foecundâ, nunc arva inculta, ferociaque. Hinc ad arctiſſimum inter *Europam Aſiamque*, divor-

tium deflexit, cupidine veteres locos, & famâ celebratos noscendi. Inter ea miracula, quibus animum intendebat, præcipuus fuit, marmoreus in mari pons, in altum eductus, certamine & opibus *Turcarum*. In medio ejus tabella aurea, monumentum liberalitatis *Turciæ* spectatur. *Flexu* itinerum facto, ipsa *Constantinopolis*, aspectu optato, ita repente promulsit animos nostrorum, ut fatigationem susceptosque labores, novi spectatores contemnerent. Quæ dum expono, libet de *Constantinopoli*, toties mihi dicta dicendaque, aliqua tantum profari, situmque ejus, libero scriptoribus egressu, memorare.

Jacet amœnissimâ terræ regione, qualem plurimi *Europâ Asiâque* totâ vidisse negant. Agri undique

dique frugum pabulorumq; læti, prata omnio, virgultis perpetuis cincta, frondiculi & strepentes rivi distinguunt; veluti litto-regenuino. Ad littus maris cupressorum ordines, vel ad regulam, vel in quincuncem dispositi, itinera passim, palatiaque Procerum lætâ viriditate inumbant. Aquarum marinarum intercurfu in tres partes dividitur, quasi ad propulsandam vim terra non sufficeret, aqua etiam in conatus irruipientium conjuravit. *Urbium*, quas *Thracia* complectitur, maxima, adversus vim semper valida, & quovis militiæ apparatu abundè instructa. Spacio, ac cœlo in orientem extremis *Euripi*, in occidentem firmæ solidæque terræ, obtenditur: propontidis fluctibus in meridiem pulsatur.

Septemtrionalia ejus habet promontorium, cui ab angulorum exstantium, & ex utriusque lateris fronte prorumpentium, specie, cornu, à *Geographis*, inditum est cognomentum. Formam ejus longam magis, quàm latam triangulari iidem assimilâvere, adnotâruntque septem colles in ea contineri. Horum primus visitur juxta Regiam. Secundus huic opponitur, quâ terrestri itinere via ducit *Adrianopolim*. Inter tertium, & quartum cernitur vallis (magnæ nomen est) habens fontes perennis aquæ, ab Adriano Imperatore, ad miraculum futuræ posteritatis erectos, à *Solimano* secundo auctos. Aquæ in altitudinem redeuntis originis, per varias fistulas, atque formas micant, mox in subiectum alveum redeunt, fervent ipso tumultu laben-

labendi. Arcem quin etiam antiquam, super tres colles positam, septem turribus, quàm amplissimè projectis exstare. Esse in hac structura tantam artem memorant, ut quæ dicantur in una turri, intelligantur in cæteris; non eodem quidem momento, sed ordine quodam, & successione. Huc nuper *Osmanus*, per militarem licentiam detrusus, suffocatusque, laqueo periit. Est videre in urbe multa antiquitatis monumenta, Pyramides, statuas, quæ inclinatæ jam, ac labentes, à *Turcis* restituantur, publicâ munificentia. Inter alia, tres serpentes marmorei: qui, mutuis nexibus implicati, ad duorum hominum altitudinem ascendunt. Hic primum futurus miles æstimatur: hic experientia juventutis: hic cos acuendæ virtuti *Turcicæ* est.

Est

Est in eodem loco & columna, raræ artis; saxis, sine calce & cæmento, adunatis constans, habetque in medio scalam turbinatam, quâ ad summum adscendunt. Hanc Arcadius struxerat, re Romanâ prosperè contra Germanos gestâ, triumphoque de Gothis parto. Sed, præter hæc, nihil hîc non admirabile, aut cum aliqua veneratione se ostendit. Mœnia urbis, perpetuo cupressorum ordine consita, lateritio aggestu structa, portis lateritiis tribus, ad ternos urbis angulos, aditum præbent. Mœnium arcisq; interjacentis latera sustentant munimenta multa : in quibus machinarum majorum multitudo tâta, ut par, post hominû memoriam, unum in locum pariter haud unquam fuerit educta. Sed jam Legationis ordinem persequamur.

Le-

Legatus, quanquam paratis omnibus dandum adhuc spatium ratus, citatim ad *Vezereum* premit- tit familiarem, promptæ facundiæ: *Venire se Constantinopolim, amicitiam, & pacta Solimani cum Sigismundo Primo, in quæ nuper iterum ad Chocimum itum, memoraturum.* Interim eum *Suliszewius*, & *Kulikovius* cōveniunt, simulq; *Vezereum* esse animi tumidum, sed immodicè timidum, artificem tamen ad occultandam audaciæ specie formidinẽ abundè, nec falsò aperuerunt. Enimverò, dum hæc aguntur, Secretarius *Vezeri*, præmissâ Legato adventũs gratulatione, ut negotiatores, exercẽdæ mercaturæ ergò, ex Regno cum Legato venientes, telonia solverent, admonuit; secus, mercibus fisco addictis, turpem, in cōspectu Legati, ignominia accepturos. Legatus, ex præ-

fen-

sentibus futura jam haud dubiè colligens, aliena hæc, & antiquo fœderi adversa, respondit; adversus subita rerum evēta nunquam improtectus. Addiditq;, decretū sibi esse, vel jam inter ipsa vitę rudimenta, integritati Reip. honoriq; suo, humana prorsus omnia posthabere. Negotiatorū potiùs cæde imbueret manus *Vezerus*, levio-
 re flagitio illos interfecturus, quàm sacrosancti fœderis religionem violaturus. Adfluebant interim Legatorū Christianorū Secretarii, monebantq;, prompta Polonis Legatorum studia, agerent omnia pro Reip. dignitate. Cæterum Legatus, hætenus inter diversa anceps animi, rem communicavit cum suæ Legationis secretario, qui mos est Legatorum, ut suum quisq; à Rep., honoris gratiâ, habeat. Is præfectus *Vrzedovi-*

doviensis erat, ab exilio retractus, vir illustri genere, ac eâdem prudentiæ famâ. Qui ne mentem suam Legatus impotentis temeritatis incursum ferri pateretur, suadebat. Temperamentum fortitudinis, & modum impetûs ita tenendum, ut nihil acrius, quàm consideratiùs excitetur. Sæpè honestas rerum causas, temeritate nimiam perniciosos exitus consequi. Haud magnâ mole Legatus, promptus bonis consiliis, (quod præcipuum rerum agendarum instrumentum) in sententiam trahitur. Missoque in urbem *Kulikovio*, magni viro animi, & agnitæ virtutis, incusat *Vezorum* inhumanitatis, seque contemptum, jura gentium identidem ingerens, & pacem sperni. *Vezerus* dicitur secum multum agitavisse, vultûs colore, ac motu cor-

corporis, pariter atque animi varius: quæ scilicet, tacente ipso, occulta patefecerunt. Demum, non immutatâ voluntate, iterum alium à primo ad Legatum cum *Kulikovio* legat; adjecitque, non esse in urbe pro Polonis diverforia, cultu habituque Legati atrocioribus verbis perstricto. At in urbe, postquam Legati adventus percrebruit, cunctaq;, ut ex longinquo, aucta sæpiùs adferebantur; ut fermè veris falsa permiscentur. *Ideo nimirum Legatum venisse, idèd post tot mensium ambitum, in hoc consensisse ad Chocimum Polonos, ut singulis annis tributum Otthomanico Cæsari numeretur.* Hos *Turcarum* sermones *Dziurdzius*, fax & turbo illius temporis, adeò incendit, ut, quamvis falsa, ut quisque obvi-
us in alios, atque illi in plures,
cumu-

cumulata gaudio transferrent. Verùm ad hæc *Turcica* accedebant alia, quæ minùs sperabantur. Certè compertum habeo, *Boëmos*, partim hæresi corruptos, partim rebellionis suæ metu anxios, intendisse vera, adgressisse falsa, Legatumque dolo simul, & casibus objectasse, ut novis rebus locus patefieret. At Legatus, ut & virtutem exfereret, & fortunam tandem tentaret, respondit *Vezero*, se *Janizarorum*, *trucidantium Cæsares*, *exturbantium Vezeros*, opem operamque imploraturum: & in ipso aditu, atque ore civitatis, *tabernacula*, *carbasseis intenta velis*, (*in hac diversorum inopia*) collocaturum, *mora suæ gentis*, quæ potiùs in *campis* vivit, quàm *inclusa tectis*, *mœnibusque*. *Mansuram inter utramque gentem pacem, amicitiamque*, si *nullo onere tentarentur Poloni*; sin,

ut

ut victis, servitium indiceretur, esse Regno ferrum, & viros, promptos libertati, aut ad mortem animos. Meminisset Vezerus, superesse adhuc Polonis illibatam illam dexteram, ut tenacem datæ fidei, ita acceptæ, si negligetur, vindicem. Nempe hos ei spiritus intendebant, & renascens Spahiorum cum Janizaris tumultus, & aliorum civilium dissidiorum moles, & crebræ inprimis Vezperorum mutationes, in illo miserando pariter, & erubescendo statu civitatis. Timor inde Vezorum incescit, ne Imperium, sine prudente Cæsare, Janizarorum iterum accensis animis, ars aliqua Christianorum adoriretur. Quapropter omittere primos conatus, consilii quàm inconstantia arbitratus, in Legatum, quasi in Polonorum gratiam, contulit negotiatorum telonium, cum id rarum apud Turcas,

cas, nec nisi eidem superstitioni, pretium esset. Interea verò sub vespere crepusculum, indicit ingressui Legati sequentem diem; populum tamen edicto admonuit, ne Polonorum ingressum spectarent, addito gravi in contumaces supplicio. Quod tamen multitudini persuadere frustra conatus est; indole generis humani, omnia aggredientis quæ vetantur.

Die ingressui dictâ illucescente, distributis in socios & contubernales equis, fas Patriæ, libertatem avitam, quanquam consideret virtuti, commendavit Legatus. Ne Reipubl., & Regis, denique dignitatis suæ desertores, quàm defensores esse malent. Ne cum strepitu, & tumultu, nullo certo ordine, & Imperio, quisque primum locum teneret.

neret. Sic compositos in obsequium, virtutis & Reipubl. instinctu, in campum deduxit. Campum, & prima loca, pedites *Pannonici* tenuerunt: quos impedimenta, currus, stemmatibus *Zbaraviorum* insigniti, aliaq; confertim sequebantur. Post quæ reliqui familiares sic incesserunt. Multi levis armaturæ in fronte: post quos decem delecti familiares, auro gemmisque splendentes: dein cum quadraginta ipsius Legati, ac delecto equite, amici, & Procerum *Polonorum* filii. Egregia sanè manus, sive corpora spectares, sive arma. Hâc multitudine præmissâ, ipse Legatus incescit, medius inter *Achmetem* & *Mustapham*, qui pro obsidibus ad *Chocimum* dati, in fidem eorum, quæ agerentur. Legatum præcedebat supremus Legationis

Secre-

Secretarius, vestibus armisque decorus: sequebantur lecta Polonorum corpora, *Suliszewius*, *Kulikovius*, *Platembergus*, quibus se adjunxerat *Vevelius*. Mox decem cubicularios, cum armis suis insignibusque, subsequi jussit: quos quinquaginta alii adolescentes secuti, habitu *Dalmatico*, vigentes ætate, claris natalibus. Tandem centum Contubernales Legati, sociorumque ejus pulcer delectus, incessere. Denique quadraginta *Zbaravianæ* domûs jaculatores, quibus *Strzeleccius Prapostus*, agmen claudebant. Hic sociorum clientumque ordo. Et jam eunti Legato, centum Secretarii Cæsaris processere obviam, splendido apparatu ad venerationem cultumque. Atque ubi primum ex alto visi nostri, complentur non modò viæ, & pro-

D xima

xima urbis, sed mœnia, & tecta, quæque longissimè prospectari poterat *Turcarum* turba, ac rogitantium inter se de Polonorum moribus, & habitu diversa. Augēbat famam ipsius Legati ingenium, quantæcunque fortunæ capax, insignis corporis forma, cum quadam majestate. Postquam in urbem ventum, nullus in ea fuit, aut *Turcarum*, aut externorum, quin altissima tecta peteret, atque ex omni prospectu locum spectaculo caperet. Palatium ingressus Legatus, epulum ex more præbuit familiaribus, victa tædia, & molestias inter se referentibus gratulantibusque. Mos apud *Turcas* habetur, Principum Christianorum Legatos, cum paucis *Turcarum* sedentes, vefci in aspectu omnium, propriâ & solitâ mensâ, in qua rerum

rerum pariter ac famæ momenta. Ita epulanti Legato à *Vezero* varii fructus missi, additique *Ianizari* per speciem honoris, custodes exploratoresque. Et postero die, à cæteris Proceribus, mala granata, & alia, quorum fecunda *Constantinopolis*, afferebantur, certatumque, ut, omnibus officiis, gratam sibi Legati præsentiam ostenderent. Eâdem die Legatus, ut largitione causæ patrociniū adjungeret, Proceres, præsertim quos in aula conscios arcanorum, & transactores noverat, muneribus onerabat: quæ *Samuelis Twardovij*, viri eruditione & nobilitate illustris, carmine celebrata, non operæ est referre.

Post octiduum, inumbrante vesperâ, *Vezerus*, fictâ humanitate postulat, veniret Legatus ad publicum *Vezerrorum* Palatium;

isthic de pace colloquio trans-
 geretur, proximi diei luce ortâ.
 Itaque, postquam dies illuxit,
 Legatus, ut splendidus apparatu,
 per mediam urbem incescit: ita
 non pro spe sua excipitur, cum
Vezerus palatio se contineret; in-
 ferius majestate suâ ratus, si ob-
 viam prodiret. Quo factò, nihil
 in speciem turbatus Legatus, of-
 ficiisque breviter cum *Vezero*
 transmissis, multa facundè præ-
 fatus de *pristinis utriusque populi fœ-*
deribus, de *amicitia inter Casares*
orientis, & *Reges Poloniæ*: tutio-
 rem demonstrans pacem, quæ ante
 pericula, ceu divinitus data, capere-
 tur, quàm quæ, debellato universo or-
 be, post datas acceptasque clades, ab
 incerta sorte speraretur. Et majores
 quidem vestri, inquit Legatus, pa-
 cem semel pactam servarunt fide-
 ter: *Osmanus*, cum quo nuper ar-
 mis

nis certavimus, quid habuit, non servatum à nobis in antiquo fœdere, ut meritò bellum illud tam repentiè decreverit, & denunciatum per Otfinovium, intulerit? Num Thraciam, aliasque Provincias cum exercitu nostro invasimus? Num fœdus societatemque, & subsidia adversum vos vidistis? At cum Skinder Bassa bellum ad Cecoram gessimus! At Tartari regiones nostras populati sunt, duce Cantimiro, qui vagos primùm, & latrociniis suetos, ad prædam, & raptus congregare solebat: dein more militiae per turmas componere: Ferebamus tamen propter vos omnia. Sed cùm ille, nullum nefariæ cupiditatis suæ finem capiens, Podoliam aliis post alia detrimentis afficeret, ne his contentus, crescente per rapinas studio, & voluptate rapiendi, rursus Vollhyniam invaderet tandem effecit, ut pax turbaretur,

vindicandæ magis injuria, ob vastatas regiones, quàm ut, cæci ambitione, & avaritiâ, vestra invaderemus, ac prædaremur. Actum deinde ad Chocimum de pace, concessumque in conditiones, ut utrique genti antiqua fœdera essent sacrosancta: neve Tartaris Cosacisque Boristhenem transgredi liceret. Præteritas porro injurias oblivione sempiternâ delendas, vestri nostrique Controversiarum arbitri, censebant: ne ex iis, veluti ex relicto cinere, latens quandoque veniret, resurgeretque bellorum flamma. Et Octavus jam dies agitur, ex quo Constantinopolim, per immensa itineris spatia, per varios casus, viarumque prærupta, veni, cum libera potestate pacem confirmandi, utriusque gentis arbitrio. Hæc Legatus: ad quæ Vezerus respondit: Causas belli Chocimici non esse exponendas, eas Polonos ex Dila-
vero

vero in Valachia cognovisse. Quod Rex, & Respub. Legatum miserit, laudandum: de cætero armis quid opus esse, si pace frui liceat? Hæc factus intumuit superbiâ ferociâque, & tributum solvi postulavit; non ut assequeretur, sed ansam discordiarum. Me enim haud poenitet eorum sententiæ esse, qui falsam *Dziurdzij* de tributo opinionem, sicuti fuisse injuriarum Legati occasionem, principumque non abnuunt: ita non fuisse causam affirmant. Altiùs enim multò hærebat causa. Nimirum insita *Dziurdzij* superbia, indignatione ac dolore stimolata, aucta persuasionibus *Valachorum*, *Boëmorum* consilio, *Moschorum* Legatione. Hæc profectò fuit causa; quæ si non hinc ad injurias faces accendisset, aliunde materiam incendii quæsitura de-

mum erat. Nactus autem hanc
Dziurdzius occasionem, arma
 contra Polonos corripere vo-
 luit; tantò honestiore specie,
 quantò majestatem *Ottomani-*
cam tueri, tributum repetere, pa-
 ctorum violatores armis perse-
 qui, non æquum modò, sed et-
 iam gloriosum potuit videri.
 Porrò Legatus omnia circum-
 spicere, atque agitare cœpit, ut
 arte aliquâ terrorem *Vezero* incu-
 teret; gnarus primis eventibus
 metus, aut fiduciam gigni. Ita-
 que, vultu ad gravitatem compo-
 sito, in hunc modum exorsus est.
Nihil evenit, cur antiquitus instituta
exolecerent, aut Polonorum libertas
minueretur, quam semper non fortu-
nis, ac bonis tantum, sed vitâ ipsâ, ac
sanguine redimimus, si teneri quidem
aliter, ac possideri non potest. Sint illi
servi, qui liberi esse nesciunt; Poloni
pro-

profecto alieni impatientes arbitrij,
 & Otthomanicæ servitutis instru-
 menta, esse non possunt; honestius u-
 tique in jugum casuri, quàm ituri.
 Injuriam nec facere, nec pati sciunt,
 bella neque provocantes, neque ti-
 mentes; sed hostibus palàm faciendo,
 laceßitam armis patientiam suam
 acui sæpeque virtutem, pace aut otio
 sepultam, exercitatione armorum ac-
 cendi, inclarescere. Meminissent modò
 Turcæ Chomici belli, ad cujus
 eventum nunc primùm orbis hæret,
 atque obstupescit. Cum enim pugnæn-
 dum, nō expectamus hostem, sed qua-
 rimus; cum quo commissi, non Phry-
 geopileo, aut fluitante veste, quæ sæpè
 tantum virtutis simulacra sunt in-
 ter ignavos, sed nudo pectore, & ex-
 posito, quod animi ac virtutis robur
 firmavit, urimur. Proinde nulla tri-
 butorum mentio facienda; imò ut
 prædarum receptor, ac socius popu-

landi Princeps Valachorum, Valachiâ privetur volo: quod ut urgeam, huc sum ablegatus, & moras averfor. Ad hæc Vezerus dissidii certus, subjecit: Non adeò turbatas civilibus armis res Otthomanicas, ut Polonis etiam, situ modicis, & opibus nuper exhaustis, despectui sint. Superesse fortunam Caesarum, & ultorem Deum: cujus singulari benignitate evenit, ut Otthomani simul tum magnitudinis suæ progressu, non nisi illustrissima quævis tropæa ac triumphos numerarent. Sic olim Ludovici Ungariæ Regis spiritum, nuper Persarum ambitionem, cecidisse: Rhodios exemplum dedisse, ne quis, non provocatus, Otthomanis malum creet. Eadem rursus Numina, eadem fata, ipsum propemodum genium felicitatis, expectarent. Non laturos Otthomanicæ propaginis posteros gloriam, ac spiritum extingu

*gui majorum suorum: qui armorum
 virtute, regna gentibus, Regnis Ma-
 chometanam religionem, metum
 universo orbi dedere. Hæc magis
 hostiliter quàm hospitaliter lo-
 cutus, postquam perstare lega-
 tum in libertate vidit, inter ob-
 sequia fortunæ, minùs jam cupi-
 ditati suæ imperans, probris in
 Legatum, & Polonos non absti-
 nuit; ac quominùs ad manus, ac
 ferrum transfiret, jure gentium
 vix cohibebatur. Percussus inter
 hæc improvise verbo Legatus,
 paulùm reticuit, dein animo col-
 lecto, violati hospitii fædus in-
 cufans, abire se ad Cæsarem &
Ianizaros testabatur, eâ eloquen-
 tiâ, quæ magnitudini rerum re-
 sponderet; eâ libertate, quæ li-
 centiæ illorum temporum apud
Turcas debebatur. Ita apertis u-
 trinque odiis discessum. Com-*

motus est deinde *Vezerus*, &
 quanquam mitibus verbis per-
 mulsisset ipse Legatum, domesti-
 cos quoque suos impulit, ut ab-
 euntem persuasionibus tenerent:
 Haud minùs iusti doloris docu-
 mentum idem legatus mox de-
 dit, conquestus coram *Vezeri* do-
 mesticis, se per fas ac fidem deci-
 pi, libertate vehementis spiritus
 dictis pariter ac factis testatâ. Id-
 que *Vezerus* credebatur, ut in-
 ferius dignitate suâ, gravi & dis-
 simulatâ offensione, abdidisse.
 Futura tamen animo semper
 præcurrens, legatum in Regiam
 antevertendum ratus, *Soltanam*
 hac de re certiolem facit: Cæsa-
 rem occupet, legatum observet,
 conatus Imperii bono contra-
 rios, pro sua prudentia frustretur.
 Simul Proceribus eadem
 aperit, additque multa ignomi-
 niosa;

niosa ; per iracundiam convitia
in quosvis rotare solitus. Ex quo
rumor increbrescere paulatim
cœpit, postquam leviter seu vera
seu ficta audita, alii in alios, hi in
plures transferrent.. Usque adeo
rumores, sine ullo veri falsique
respectu, avidè arripiuntur, avi-
dè communicantur. Christiano-
rum quisque Legati causâ mœ-
rebat, &, ut sævienti fortunæ
submitteret animum, fatisque
cederet, sollicitus hortabatur.
Circumtulit tamen ille, inter hæc
mala, & tempestates animum
plusquam humanum, invictum,
& ubique parem sibi ; testatus,
nec provocari à se pericula, aut
contemni, sed ex animi magni-
tudine prudenter æstimari.

Interea *Krokerus*, medendi pe-
ritus, & Legato à Consiliis inti-
mus, dum, adversâ *Soltana* vale-

tudine, in Regia detinetur, expositis, quantâ maximâ potuit moderatione, injuriis, Legato à *Vezero* illatis, nec *Soltanae* patientiam læsit, nec muneri defuit suo. Ipse Legatus, ubi recreatam accepit, composito libello rem aperuit, per Majestatem Imperii, per amicitiae fidem orans, ut suae dignitatis, & publici juris ratio haberetur, datis aliquot arbitris, qui res suas propius inspicerent, unicèque curarent. Seejus Majestati, quibus in terris ageret, additissimum perpetuò fore. Legato per amplè responsum, gratiaque & cura magnificè promissa. Ac cùm prorogaret sententiam *Vezerus*, *Soltana* intercessit, nimiam superbiam increpans, fortunæ blanditias reverenter habendas, ferociùs quàm efficacius monens. Simul adnectebat, scire quan-

quantum intus discordiarum, quamque indomiti, ac præferoces milites essent. Contra Polonis immotam ubique pacem, & unum in Livonia cum agnato bellum esse. Igitur *Dziurdzius*, ubi accepit *Soltanam*, cujus auctoritatem pollere viderat, contra inceptum suum, primò commotus metu, atque libidine, diversus agebatur. Deinde animus, cupidine cæcus, ad inceptum scelus rapiebatur, documentumque præbuit, humillimos quosque, ubi alta accesserunt, superbiâ, atque ambitione immodicos esse, dum animus potentiae expers, tanquam inediâ refecti insatiabilis est. Brevi post tempore legatus, compositus animo (uti secundorum ambiguumque scientem decuit) *Halli Bassam*, navali militiæ Præfectum,

fectum , adit , magnificè magis,
quàm superbè. Hunc virum ,
temporibus illis , gravem inter
Turcas, & prudentem fuisse com-
perio. Orientem enim fortunam
moderatè tulit, & prudenter; per
lubrica aulæ negotia firmo sem-
per insistens vestigio. Hic ad-
ventantem Legatum, exutâ gen-
tis suæ ambitione , exceptit, ob-
vius officii gratiâ , & blandè be-
nignèque habuit; adhibitis ad
ministerium dapemque Polonis,
in ritus *Turcarum* transgressis. In-
de diei reliquo inter familiares,
variis colloquiis traducto , se-
quenti die Religiosorum fami-
liæ, observantia in legatum cer-
tantes, humanè comiterq; exci-
piebantur. Primi omnium *Fran-*
ciscanæ Religionis duo , ob vetu-
sta in hac Regione merita , &
Constantini Zemisci auctoritatem,
ad-

adière. Laudati, quòd *Turcarum* rabiem, nihil mutatâ in Ecclesiam Romanam constantiâ, pertulissent. Cùm enim omnia sacra profanaque violarentur, solum Divo *Francisco* dicatum templum stetit, non loco, sed Numine, & dexteritate Religiosi cœtus, defensum. Prædicatorii posthac Ordines, & Divi *Bernardini* instituta sequentes, venêre. Illi Romanæ urbis liberalitate, hi Christianorum, Peram inhabitantium, eleemosynis hîc foveantur. Auditæ etiam eorum, qui *Societati Iesu* nomen dederunt, salutationes.

Tùm verò haud multò post Legatus, inter inania famæ, ad *Dauterum* invisendum, uti constituerat, processit, magnâ familiarium pompâ. Hîc pauca publicè locutus de injuriis suis, atque
uti

uti Legationis sacra violarentur, reliqua, remoto consueto aulicorum ministerio, transegit secretò. Quod quàm ægrè tulerit, inter omnes, *Vezerus*, quamvis cætera callidus tectusque, aperuit multis; quòd *Dauterus* præter claritudinem generis, rerumque *Turcicarum* usum, magnis apud Cæsarem, testatisque meritis, impetraturus omnia crederetur. Propinquâ tamen vesperâ, Nuncii à *Vezero* veniunt, qui ejus verbis postularent à Legato, sequenti die ad eum veniret. Velle se de gentis suæ, & Polonorum commodo disceptare; condonatis vicissim, & oblivione sepultis, quæ obvenerant. Haud cunctatus est Legatus, quanquam fingi ea, & ludibria tantum, ac tergiversationes intelligeret.

Evoluta

Evolutâ ergo nocte ibat, injuriæ diffimulator, ac sui potens; ut qui non sibi, sed publico militaret. Jam propinquant, obvius fuit, quasi per officium, *Vezerus*, contra morem suum, non trux, ut assolebat, sed lætus vultu, propior benignitati, quam iram foveret. Et commodè per eas horas advenerat Regis *Britanici* Orator; magnâ spe, posse auctoritate suâ, & Legatum inter *Vezerumque* concordiam gigni, & *Turcarum* animos pace componi. Haud facilè quis dispexerit illa in cognitione mentem *Vezeri*. Adeò vertit, ac miscuit iræ, & humanitatis signa, deprecatus Legatum, ne ipsius moribus offenderetur, dictitans, sepeliendas in perpetuum, juratâ injuriarum oblivione, inimicitias esse. Exinde urgebat ad
pro-

proferenda pacta, quæ ad *Chocimum* concepta fuere. Sed Legatus, inter arcana rerum exercitus, *Vexerum* elusit verbis, temporì accommodatis; veluti ea, quæ secum non haberet, cupientem: ad consiliorum magnitudinem felicitate adjectâ, à qua sæpè optimi deferuntur. Quæ autem alia, inter Legati consiliorum secretâ, fuere, mihi casuum eventuumque tantum fidem professo, prodire non visum, dum audire illa malim, quàm loqui. Neque sum ignarus, à plerisque rerum nostrarum scriptoribus, tradita consiliorum Legati secreta, atque intima, dum calliditatem aulæ forique exercent, aut qui abditi sensus Legato fuerant, ne cum cæteris pari ignorantia sint, verentur. Ego, quanquam pleraque mihi interiora obven-

runt,

runt, quæ tantum in summo sunt, trado, sine odio ac gratia, quorum causas procul habeo. Et paulatim inde, ne res ultra verba progrederetur, effectum ab Oratore *Britanico*, aliò sermonem avertente, & apta temperandis animis differente. Ac obvenit apprimè tempus homini, primariæ ac raræ prudentiæ, peropportunum, dum de pactis agebatur inter *Vezerum*, & *Legatum*. In quo ipse, ut erat ad subitanea consilia instructo semper animo, sublatis, quæ renascebantur in horas, controversiis, impigram, ac fidelem erga Polonos operam navavit. Tandem *Vezerus*, donec occasionem arriperet, datis mitibus responsis, promittit, paratum sese facere, quæ Legatus vellet: Colloquio cum Cæsare diem ipse deligeret:

con-

consulta se omnia cum illo integra habere. At Legatus, pauca se coram Cæsare locuturum, respondit, simul edocet, quæ muna à Rege mittebantur, nunquam à consilii salubritate, ne proprio quidem discrimine, recedens. Ita cum in meridiem sol iret, digrediuntur; repetente *Vezero*, de abolendo dolore, ira que, & prioris temporis necessitatibus. *A Vezero* visum est Legato, adire supremum superstitionum Turcicarum Præsidem; siue, ut causam suam tanti Viri accessione firmaret, siue ut, incertus animi, exploraret sacri Ordinis, de Pactis *Chocimicis*, sententiam. Hic multi alii, Sacrorum inter Turcas administri, reperi, qui à communi populo non multum differunt. Post venerationes & officia, intravit
Legatus

Legatus fanum, quod *Solimanus* opimis spoliis, *Ludovico Regi*, urbibusque *Hungariae*, ereptis, extruxit. Deditæ fano mentes omnium cum oculis erant, & stupori fuit illustre monumentum, ac, ex veteris olim artis peritia, *Mausoleum* loci conditori. Inde splendide à familiaribus in hospitium deductus Legatus; vario vulgi rumore, reconciliatus *Vezero*, an damnatus, reverteretur.

Die divi Nicolai venerationi facro, magnificè in Regiam egreditur, præmissis ad Cæsarem muneribus, quæ cum summa veneratione recepta, gratâ Cæsarum memoriâ, ad hoc usque tempus *Polonam* munificentiam testantur. Pluviam inter & procellas haud parum impeditum, & ideo, obscurato nostrorum splendore, ad
eum

eum locum , in quo templum
Sapientiæ est, perventum. Ubi in
 Regia nunciatum est, Legatum
 haud procul abesse , multi ex
 Proceribus obvii procedunt, de-
 lecti , qui Legatum primi vene-
 rantur , & ad Cæsarem , cum
 comitatu, deducerent, jam sere-
 no cœlo. Stabant in Regiæ porta
Spahiglani , qui equestris dignita-
 tis illustres, circa Cæsarem in pu-
 blico frequentes sunt. Hos se-
 quebantur *Spahi*, & *Soluptarij*: qui
 ab initio ad turpem usum , inter
 prima ætatis rudimenta , apud
 Cæsares fuere. Adulti, Cæsarum
 indulgentiâ, uxores ducunt, au-
 ctique dote conjugis , & stipen-
 dio, plurimum Oratorum utun-
 tur officio ; Cæsaris latus dextrâ
 lævâque stipantes inter eun-
 dum. Ad Præfecturas, & cæteras
 dignitates; ex hoc ordine ferme
 le.

leguntur. Stabant cum suo Duce
 & *Ianizari*, firmatus usu miles, &
 belli domitor externi. Hi impu-
 beres adhuc ex toto Imperio de-
 liguntur, experrecti vigoris, &
 virtutis. Aliquandiu militari di-
 sciplinâ instruuntur sub magi-
 stro: dein robustioribus, ac jam
 pridem probatis, aggregati, ami-
 ciuntur veste fluitante, & pileo
 albo, ac sursum versus erecto. Hi
 castra muniunt, urbes oppu-
 gnant, & ad triginta millia; ac
 ampliùs, publico Cæsarium sti-
 pendio, per totum imperium au-
 ctorati habentur. Illos Legatus
 transgressus, per cupressorum ar-
 bores conspicuâ altitudine, in
 interiora venit: unde aspectus
 egressusque in hortum, fonte ir-
 riguum; citris limoniisque ad
 fenestram usque flores, ac poma
 porrigentibus. Huc mittitur Le-
 gato,

gato, more gentico, vestis *Turcica* è panno aureo, & filo serico; præcipuis ejusdem familiaribus vestitis ad eundem modum. Admonitus à *Dziurdzio*, ut, more Polonorum, Cæsari reverentiam, nudato capite, exhiberet, caput ostendens, prius hoc amputabis, exceptit; nihil supra bonum, atque honestum perculsus. Nec ullis deinde terroribus constantiam vocis egregiæ mutavit, prudens, vel semel tantum, & leviter in publicis errasse, id aliquando facere, quod corrigi nunquam, aut tolli potest. Atque ubi ad Cæsarem, medius inter duos purpuratos, introisset, ejus togæ liciniam osculatus, honorâ oratione cuncta repetiit, orsus à federe, quod imperitante *Solimano*, *Turcæ* nobiscum jecerant, ut olim narrare me memini. Sed hæc

hæc cum ritè memorantem, *Vezerus* improvisò interpellat: *Ottomanis neque majus quidquam, neque charius Regis Sigismundi amicitia esse. A multis annis ita Cæsares Orientis vixisse, ut Polonis, etiam lacescentibus, indulgerent, fœderaque & pacta, quæ cum Majoribus ipsorum intercederent, servare se velle. Amicitias etiam vicinorum, non modò armorum consilio, Otthomanicos fœces crevisse. Deinde de valetudine & successu Regis, Imperatoriâ brevitate interrogatum. Legatus, cùm utraque felicia esse responderit, digrediuntur. Discumbuerant postea Poloni in aula maxima Cæsarearum ædium, quam Eunuchirosis, & aliis floribus constraverant. Namque, quod mireris, in aulis *Turcarum*, non luxus aulaorum, non splendor gemmarum, non aurum, non argentum,*

E 2 non

non alia quibus pretium sola de-
 mentia mortalium fecit, cernun-
 tur. Pòst, ubi officia, & venera-
 tiones peractæ, & diei vesper
 erat, à Regia templum *Sapientia*
 Legatus obivit, *Mahometana* ve-
 stigia impietatis, templique, olim
 pulcherrimi dehonestamenta in-
 specturus. Vestitur intus, & foris
 marmore candido, porphyrite,
 aliisque non vilis pretii lapidi-
 bus, celebre, si quod aliud, per
Europam ædificium. Ejus interiora
 adeuntur portis quatuor. Te-
 ctum deauratum, & laquear for-
 nicatum, præaltam ostentant o-
 peris magnificentiam. In ædis
 aditu petra marmorea spectatur,
 super quam, opinantur *Turcæ*, D.
Virginem matrem Servatoris nostri,
 lavisse ejusdem linteamenta, &
 ideò multum habent lapidi illi
 honoris; Statuæ, & simulacra
 Divo-

Divorum adhuc visuntur, quæ
 servari integrè *Cæsares Otthoma-*
nici jusserunt, gloriam suam
 Christianis haud negandum ra-
 ti, sive ut comparatione majores,
 hoc merito quærentur. Est
 præterea *Mausoleum*, quo *Con-*
stantinus Imperator inclusus con-
 ditusque esse fertur. Legatus,
 spectatâ opulentiâ templi, do-
 nisque Cæsarum, ad hospitium
 flexit, multis Proceribus, officii
 causâ comitantibus; quos largis
 epulis, vinoque excepit. Nox per
 diversa inquires, cum nonnulli
 lato cantu hospitium Legati
 complerent: contra veterem
 disciplinam, & instituta Majo-
 rum, apud quos frugalitate, quam
 epulis res *Otthomanica* melius
 stetit.

Mense *Januario* Anni sequen-
 tis, Regis Anglorum orator, dum

Legatū honoris causā inviseret, operam suam ultro pollicitus est, si quid componendæ adhuc discordiæ superesset. Sub hoc idem tempus *Venetæ* Reipubl. procurator, cui Justiniano nomen erat, adiit de commodis Reipubl. Polonæ se acturum testatus; cum eo impendi laborem, ac periculum debere diceret, unde emolumentum bellatricis gentis, atque honos speraretur. Legatus, actis utrique gratiis, ostendit, eò jam ventum esse, ut dolose cum *Vezero* nihil componi posset ratione. Comes *Mansfeldius* deinde venit, qui, licet jam inde ab incunabulis, imbutus odio Polonorum, comiter tamen benigneque à Legato habitus est.

Inter hæc militaris seditio propè exarsit. Quæ res admonet, ut instituti operis causâ, quidquid
ejus

ejus rei inest, paulò altius, & breviter tamen, edisseram. Relictâ superiori anno *Valachiâ Ianizari Spahique* stipendia, importuniùs quàm iniquius exposcebant, & eò insolentiùs, quò graviozem, sub ipso *Osmano*, militiam præsumebant. *Dziurdzium* adeunt inopiam publicam exprobrantes, aliaque latiùs eruptura, nisi tempestivo remedio præveniantur. Ille exhaustas ærarii opes obtendens, stipendia differt. *Ianizari* minas contemni suas rati, dissono clamore, cædem Primorum poscentes, relicto *Vezero*, nullo satis certo consilio, hac, atque illac minitabundi, per urbem discurrunt, ignarâ suspensâque civitate, quò terror ille pertineret. Donec *Vezerus*, ad omnes occasiones intentus, extimulare singulos, & in eversionem Legati

impellere: detineri ab ipso tributum, referendo. Creditum id vulgo, & ubi causas odiorum prætenderant, magnitudinem prædæ ostendebat; fortunæ, tanquam constantissimæ rei, fretus quòd quorundam studia, in se prona vidisset. His & pluribus, in eundem modum, perpulerat, ut nec *Turcæ* quidem restingui posse iracundiam *Ianizarorum* arbitrarentur. Cùm haud ignari discriminis sui Poloni, audendum aliquid pro Legati dignitate, conclamatis rebus, rati collectâ suorum manu, armati palatii sui superiora occupaverant, ex quibus impetus adventantium videri, & simul propelli poterat. Ipse legatus, necessitatem pariter ac virtutem secutus, non Dux tantùm, sed socius periculorum esse volebat; propitium

tium sibi suisque Numen, ac præ-
 sentem opem à Cœlestis militiæ
 Principe, indefinenter implorās.
 At *Vezerus*, callidus rerum ac
 temporum, ad Legatum allegat
 Secretarium, contestans *authori-*
tatem suam inferiorem esse Janiza-
rorum violentiā: qui stipendiis de-
stituti, ac tributi spe illecti, turbas
immensum augent. Nec primos fu-
 rentium impetus cohibere facile esse,
 quanquam ipse auctoritatis summæ,
 ac vetaret. Sustentatos à se ut-
 cunque ad eum diem promissis, ac
 nuper ostentato Polonorum tributo.
 Quod si Legatus numerare cunctetur,
 erupturum, haud dubiè, malum in
 ejusdem perniciem. Hæc mandata
Vezeri. Legatus, ut erat constan-
 tiæ, adversus vim omnem invi-
 ctæ, majorem sibi Patriæ, quàm vi-
 ta curam, & hanc cœlestis esse pro-
 videntia, contra quam nec aliis, nec

Vezero ire liceat, aliaque multa
 differebat; propior publicæ libertati,
 quàm privata charitati. Quin e-
 tiam truculentiùs sibi minitante
 Vezero, licet respondit, mihi a-
 gmina Janizarorum ostendet, licet
 Vincula identidem minitetur, nun-
 quam tamen efficiet, ut propter san-
 guinem meum, Regem & Patriam,
 quorum Legatus sum, contemni per-
 mittam. Quæ ubi relata sunt Vezero,
 inquiet animo, Polonis parem in omni
 periculo animum esse videns, rur-
 sum ad terrorem de tributo hæc, quæ
 supra memoravi, apud Legatum per
 Secretarium differuit; nec posse mo-
 tum inter discordes, aut egenos, nisi
 tributo, componi. Janizaros, quod
 in seditionibus accidit, non juberi, non
 regi, sed cuncta ex libidine agere. At
 contra Legatus, nihil infracto
 animo, Non me, inquit, non meos,
 injuriâ afficietis. Nulla hîc privata
 causa:

causa: neque aliud incusandum ha-
beo, quàm quèd, vanâ illâ, humani-
tatis specie captus, dolos & artifi-
cium Vezeri non animadverterim.
Adnumerabor aliis ut omnes Chri-
stianorum Principum Legati, aut
Janizarorum manibus, aut Veze-
rorum dolo ceciderunt. Ibit fama
ipsa, nunciabit Reipub.; vel, quod mihi
gloriosius, vobis ignominiosius, uni-
verso orbi, interfectum à vobis Lega-
tum Polonum. Sed & comparatis
per intima Russiæ Podoliæque au-
xiliis, venient Euxino mari Co-
faci, qui neque me inultum, neque
vos impunitos patientur. Interea
non sine ope divina ingressus in
seditionem Janizarorum Dux,
homo apprimè sagax, non me-
dicinam illud, magna cum indi-
gnatione, sed rebellionem ap-
pellans, diremit consiliorum di-
versitatem. Et ita, ad conspe-

Etum, mandatumque Ducis, qui
 fortè venerat, repressus utcun-
 que *Ianizarorum* motus, veluti
 monentibus fatis, secura omnia
 in rebus humanis deberi illis,
 qui ad causæ suæ æquitatem,
 conferunt præsidium, afflictæ
 quidem, sed nunquam ruituræ
 Religionis; Nec multò pòst Se-
 cretarius à Duce ad Legatum
 mittitur, qui referret, initium
 conjurationi non à cupiditate
 Ducis, sed ad *Vezeri* imperium,
 fuisse. Cæterùm Legatus, mirus
 discriminum dissimulatur, post
 officia gratiarum, se neque salu-
 tis beneficio, neque mortis dis-
 pendio, adduci posse testaba-
 tur, ut ante libertatis Patriæ cu-
 ram, & debitum Regi obsequium
 aliquid haberet. Postremò fæ-
 deris *Chocimici* pacta & commu-
 nem gentis utriusque consensum
 osten-

ostendens, identidem rogabat, ut referret Duci, se suosque, pace circumventos, arbitrio bonorum permittere. Secretarius, clementi responso, pollicetur, remoturum se *Ianizaros* ab ea mente, aut certè à facultate nocendi: nempe operâ Ducis sui, viri insigni animo, ad coërcendam militarem licentiam. Ad Ducem suum rediit, & Legatum vel bello, vel pace paratum edocens, addidit, in pactis nullam se mentionem tributi vidisse. Exarsit Dux animo, *Dziurdziumque* ruptorem fæderis, violatorem gentium juris, & cupidum novarum rerum appellavit; majestate tantum, &, quâ erat apud *Ianizaros*, gratiâ facilè concitatum, & prædæ avidam multitudinem placans. *Nunciata* ea *Dziurdzium* mœrore curâque af-

E 7 fecêre.

fecêre. Doluit oppressam feditionem, quia magna, quorum spem amiserat, nec alia se offerrent, ex quâs disparem fortunam exspectaret. Itaque, spe lapsus, consiliorum irritus, ad alia se convertit, vultu vitâque tranquillus, animo exsomnia. Sequente die viso interprete Polonorum, testari Deum atque homines, cœpit, nihil ope suâ factum, quo Legati dignitas læderetur; collatâ in tempora, ac mores culpâ. Se ad conditiones descendere, atque transigere cum Legato velle, suam in eo opere fidem, operamque amplissimè promittens. Intellexit hæc Legatus, ut erant magis, quàm ut dicebantur: tamen ne diffidere ejus virtuti promissisque videretur, collatis cum Secretario Legationis consiliis, eum accessit.

fit. Et verò de tributo statim
dissensus, summâ rei intactâ;
cum aliquid aliud in *Vezeri* pe-
ctore hæreret, tacitisque cogita-
tionibus agitaretur.

Sub idem tempus *Halli Bassa*,
barbaro ritu, expeditionem con-
tra *Hispanos* parabat. Ad angu-
stum *Adriæ* fretum, consultâ, &
consentiente *Repub. Venetorum*,
dispositæ navium stationes, un-
de opportunus in *Appuliam* tra-
jectus; quam ut plerique *Turcarum*,
ita etiam *Veneti*, opinione
quorundam delusi, tentandam
minimè existimabant. Sed suc-
cessum victoriamque *Halli Bassæ*
in contextu operis memorabo;
nam persequi illam, non nihil
intererit nostris: ad quæ rever-
tamur.

Aliquot diebus interjectis,
Legatus ad Oratorem *Anglorum*
flexit:

flexit: multa de Turcico statu,
 paucis amicorum adhibitis, dis-
 ferens. Cæsaris motam furiis
 mentem: non ætate, neque re-
 rum experienciâ Imperio capa-
 cem. Accedere matrem, muliebri
 potentiâ: Serviendum fœminæ,
 quæ, utut excelsi animi, parem
 tantæ magnitudinis, & amplissi-
 mi Principatus spiritum non ha-
 bet. Si Principes Christiani, jun-
 cti juis armis, impetu in *Græciam*
 facto fœderi se inligarent, quid
 reliquum, nisi ut *Turcæ, Europâ &*
Asiâ omni excussi, evoluti, ultra
Tauricum montem in solitudines
 suas, reverterentur. Talibus per-
 actis in hospitium venit. His die-
 bus *Stephanus Tysiecius*, qui Lega-
 to fuerat stabuli Præfectus, fato
 concessit, compositâ ætate, cui
 iusta exsequiarum, mœstâ socio-
 rum pompâ, soluta sunt. Corpus
 pro-

proximâ Græcis humo sepulture
mandatum, ad hoc tempus tu-
mulus contegit; à commilito-
num quopiam hâc inscriptione
additâ :

*Gente Polonus erat, quem Græca
recondit arena.*

Virtutis gloriam, æternæ tradi-
tam memoriæ, Legatus, laudibus
suis celebrando, florentiorem ef-
fecit.

Turcæ interim sacros *Mahometi*
dies agitabant, funestum *Osmani*
finem dolentibus *Asiaticis*, odio
majore, quàm luctu. Multi, se-
pulcrum exosculati, simul cum
Osmano defecisse publicam feli-
citatem, querebantur. Colligi ex
eo magnitudinem *Juvenis*, &
pariter invidiæ, cui fato cesserit,
qui solus magnitudinem *Turca-*
rum ulterius promoturus erat.
Constituere autem vacuum, aut
im-

imparem gravioribus curis matris certè obnoxium arbitrio, quid aliud quàm si Imperium defereretur. Post sollemnia superstitioni peracta, doliis picatis, sub vesperam accensis, inter tenebras lætissimi ignes passim colluxère; majoribus machinis, cum minoribus pariter impulsis, & ex hastis, affixo cuspidi stramine, continuæ quasi flammæ spectabantur: Cæsare ipso ganæ, & luxui vacante.

Fortè per eosdem dies *Dauterus* fugam in ultiores regiones adornabat, cum *Ianizari* mortem minarentur; insitâ vecordiâ, & facilitate priorum flagitiorum. Haud fuerit absurdum tradere suprema nobilis, ac ferocis viri, & cujus spectata erga Legatum virtus, meliorem fortunam, & causam merebatur. *Dauterus*,
Vezeri.

Vezeri dignitate se iterum potiturum, sperabat, & occasionem haud segnis, nonnulla jam apud Cæsarem moliri ausus erat, ardentius aliquantò quàm cautiùs. Ut solent, manum injectantibus fatis hebetari sensus hominum, & obtundi. Hæc palàm *Dziurdzius* civiliter habuit, altius tamen animum ejus penetrârunt. Terrebant eum multa, & natura *Dauteri* dominandi persanè cupida, & præterea potentia, domum *Otrhomanicam* affinitate complexa, & super hæc, studia Cæsaris in eum, ut memoravi, accensa: cùm sæpiùs ostendisset suâ voluntate, quâ *Dauterum* benevolentiam complecteretur. Et quanquam *Soltana*, olim uxor Cæsaris, nunc Mater, monuit interdum Cæsarem, nimium ne crederet *Dauteri* moribus, illum imitatione observantia,

vantiæ, fraudem tutò tegere, ac destinare, id tamen secus accepit, contempsitque Cæsar. At quia palàm tot simul tollere intuitum videbat *Dziurdzius*, intervallis scelerum opprimere hominem statuit; prudens neminem celerius opprimi, quàm qui nihil timet, & frequentissimum initium calamitatis esse, securitatem. Igitur varia clam tentanti, promptissimum visum, apud *Asiaticos* querelis, ceu authorem seditionum cædisque *Osmani*, ac futurum aliquando Turcarum perniciem, criminari. Sanè constat, quosdam consiliorum *Vezeri* idoneos, circumvolitantes urbem, & occasionem amplexos, ac socios, editâ voce, & sæpè repetitâ, cum multa *Dauteri* invidia testatos: hunc ultimum, vellent modo *Europæi* ignominix suæ diem,

diem, & primum ultionis, Authorem necis *Osmani* tolerant, ac hominem naturâ potentiaë anxium, ad altiora, & non concessa tendentem, nondum compositis, maturisque satis ejus consiliis, opprimerent, præventâ *Ottomanica* domus ruinâ. Et, hercle, nullum jam gliscentis per Christianos contemptûs remedium, quàm si Princeps facinoris subverteretur. Unde gravior motus, & in momenta singula pro-
 vectus; sive corrupta remedium-
 rum tempestivitate, sive quod plerique *Europæorum* nocturnæ quietis speciebus, sæpius se etiam excitari affirmarent. Ergo *Dauterum* vi & astu, interficere statuunt, ut se ultione & sanguine explerent; Ille disperso rumore, *Ianizaros* in cædem suam conspirasse, trepidus, & vim metuens,

tuens, clam suis se subduxit, per
 diverticulâ, & anfractus profe-
 ctus; metu, ut apparuit poenæ, &
 quod tuendæ causæ, vel *Dziurdzio*
 probandæ, diffideret. Quæ
 postquam sunt *Dziurdzio* audita,
 socordiam *Ianizarorum*, ac
 aliorum negligentiam causatus,
 ut eum pernecitate eorum
 subsequerentur, palam aliquo-
 ties edixit, militibus haud modi-
 co pretio illectis. Itaque adulto
 die protractus ex horreo, quo
 se, desperatis rebus, fortè intule-
 rat, provectus senectâ, laniatâ ve-
 ste, miserum spectaculum per
 urbem ducebatur; ingenti luctu
 liberorum, & uxoris. Hæc, flexo
 in vesperam die, quanquam cor-
 pore ægro, solutis crinibus, mu-
 tatâ veste, circumire domos, ora-
 re Proceres, voces adversus peri-
 culum poscere; recusantibus
 cunctis,

cunctis, cum cædem *Osmani* prætenderent, *Vezeri* formidine. Metu & ægritudine fessa ad *Ianizæ* agmina delata, manus ac supplices voces tendens, fidem illorum obtestabatur, ut opem sibi ultimo in discrimine ferrent; ne autem velint, infelicem Matrem, cum aliquot innocentibus liberis, tanta cum jactura, atque dedecore, miserum diuturnumque, per omne *Ottomanicum* Imperium, exemplum circumferri humanæ calamitatis. Inde miseratio, & Patris Cæsaris, & *Ottomanica* domûs memoria, frater Cæsar, ipsa insigni fœcunditate, ut solent afflictæ res magnorum allicere ad misericordiam, dum quisque in eis efficacius suæ conditionis admonetur. Sed nihil æquè flexit, quàm largitiones, rabidissima militarium animorum.

rum expugnatio. Itaque pulso repente *Dziurdzio*, veluti de industria partes refovente fortunâ *Dauterum* summæ rerum admovent; conversis in novum *Vezerum* omnibus novitate rei, & miraculo. Interea, ingressus aulam Dux *Ianizarorum*, vocari ad sese *Dziurdzium* imperat, recepitque in tribunal. Tum fatalem increpans *Ianizarorum* rabiem, cur *Dauterum* velint habere, inquit? ipsius facinus, atque *Osmani* gravem; & immerentem casum, simul quantum dedecoris adierint, miseratur. Attonitisque magis, quàm quietis *Ianizaris*, omnium, quæ supplicium morarentur, intolerans, adversus *Dauterum* pronunciat, ut capitis supplicio atrocissimi criminis exemplum expiaret. Ita iræ & ferro lictorum objectus, à *Ianizaris*, & ani-

animo desertus, fato occubuit,
 ne plebe quidem invitâ, quæ lo-
 cum, ut in uno homine & exi-
 miæ gloriæ monumentum, &
 poenæ ultimæ esset, insigniri ius-
 sit. Sanè mihi hæc, & alia revol-
 venti animo, in certo iudicium
 est, civium benevolentia, ut san-
 ctius inter mortales vinculum
 nullum esse, ita nec dari ad stabi-
 liendam potentiam firmitus pos-
 se. Quippe, non si cubiculum
 fossâ cingat, & in lectum ponte
 se recipiat, tam secunda domina-
 tionis possessio erit, quàm si amor
 civium tueatur. Qui si ditione
 naturæ exterminetur, metuat ne-
 cesse est, ut patiat aut intereat,
 malignis aspectibus, aut oppo-
 sitionibus errantium siderum
 motis, atque agitatibus, generi hu-
 mano, & iis, quæcunque infra or-
 bem Lunæ sunt, nocetur. Tunc

F

aut

aut procellis elementa miscen-
 tur; aut, supra lunarem æstus,
 mare intumescit, aut terra con-
 cutitur, aut societas gentium lu-
 xatur, planè efficaci argumento,
 ut naturam, & ordinem rerum,
 ita mortalium vitam, ac cœtum
 amoris vi, ac connexionem stare;
 Tantùm abest, ut Præpositi ac
 dominantes, quos præfracta ma-
 jestas ne quidem per arma, & ser-
 vitia tueri potest, exercere impe-
 ria queant; nisi reverentiam do-
 minantis amor multitudinis cõ-
 ciliet. Ne legibus quidem, aut
 minis obsequia parantur, & cùm
 jubentur, suspitione servitutis
 contumacem populum, haud
 dubiè irritant. Carcer verò, la-
 queus, aut serviles cruciatus, in-
 firma vincula sunt caritatis, & ne
 ad coërcitionem quidem. Ex
 indictis profectò suppliciis, ut
 me-

metus ac horror, ita odium ac defectio nascitur, fitque, ut, quia vi dominantes cogunt, omnibus sunt exosi, &, quia exosi, nunquam securi. Gratia & favor populi firmissima potentiae monumenta. Cæterum his de rebus, ex occasione, paucis disserui, interea ad incepta redeo.

Dziurdzius verò sublato de *Daustero* metu, firmatâque potentiâ, per æqua, & iniqua, decus authoritatemque sibi adstruere cœpit. At Legatus, subductis illius Machinationum rationibus, expensisque consiliis, misit ad eum familiares, deditque munera, per quæ eundem mollirent. Non quòd ignoraret, quantùm illi credere deberet, sed ut, eâ contestatione, occasionem ei præberet rei benè gerendæ. Familiares benevolenti-

tiam & amicitiam, quæ Legatum inter *Vezorumque* ferebatur, in memoriam revocant, simul ab eo petunt, ut in negotio Legationis industriam sedulitatemque, quantam posset maximam, impendat, nihil aut Legato gratius, aut utrique populo opportunius effecturus. Et *Vezerus* quidem, postulatis Legati animum se accommodaturum, jurejurando sæpius interposito, pollicitus est; aliaque æstimatione, aut promissis magnifica addidit: Porro cùm multos dies noctesque æstuans agitare, amicis conciliisque suis confusus, simul quòd Princeps *Valachia*, veteris offensæ memor, Legatum, invito Rege, *Constantinopolim* venisse, traderet, opprimendi Legati consilium cepit, acerrimam belli facem præ-

laturus.

laturus. Usque adeò dolosos homines, sicut impura corpora, quò magis nutrias, eò magis lædas. Igitur totus huic intentus curæ, clam equites appellare, spe & pollicitationibus incitare alios, alios tentare, consilia sua, voluntatem adversam Regis, modicas, aut attritas superiori bello, Polonorum vires ostendere. Nec aliud discordantis Imperii remedium esse, quàm ut *Ianizari*, urbanis illecebris insolescentes, in *Valachiam* educerentur. Interim venerunt VIII Idus Febr. quîs in unum omnes convocat audacioris ingenii, aut in adulationem effusos, prona sibi omnia, & facillima opprimendo Legato ratus. Est supremus quidam apud *Turcas* Procerum confessus, in quo prima Magni *Vezeri*, dein *Bassarum*, aliorum

que, quibus rerum illustris aliqua administratio, & scientia est, consilia sunt, ac partes. In eo igitur expositum est per *Vezorum*, quidquid pro præsentis negotio, & Imperii *Ottomanici* commodo, erat. Tum primariæ existimationis ac loci virum sententiam, de pactis *Chocimicis*, rogat. Ille multum de turbidis *Turcarum* rebus præfatus, pacem cum *Polonis* stabiliendam censuit, Legatumque honorificè habendum. Eadem cæteri. At longè alia mens erat Equiti cuidam: qui, ut in *Dziurdzii* animum introspexerat, eò securiùs arma, atque ultionem contendebat, unicum læsæ Majestati *Ottomanicæ* remedium. Quippe modestiâ, ac facilitate nihil aliud effectum, quàm ut *Cæsari* tributum, *Polonis* timor adimeretur. Postulasse prin-
cipio

cipio Polonos , ut Tyras limes u-
 triusque populi esset ; id scilicet uni-
 cum defuisse contestati ad coërcen-
 dam Cosacorum temeritatem , qui
 vagis incurfibus , aut disiectis per
 catervas , Otthomanica vastârunt.
 Num propterea , impetrato à Cesa-
 ribus limite , quievissent ? an potius ,
 & quidem confidentius , efflagitâsse ,
 ut ditionis Otthomanicæ facti Va-
 lachix Principes , quanquam bap-
 tismo lustrati , deturbarentur ? Nec
 unquam destitisse , donec flagitiosis
 conspirationibus , clam , palam , ad
 extremum Gratiano persuaserint ,
 ut reverentiam Caesarum exueret.
 At Gratiani fortè defectione con-
 tentos fuisse ? quin imò gradum inde
 factum , ut bellis pacis nomine , non
 usu , mutatis , Valachos ac Molda-
 vos , veteri Turcarum societate
 nobiles , invaderent , copias suas cum
 Gratiani , opprimendo nostro præs-
 F 4 dio,

dio, miscerent, pacta, in quæ sub
 Magno Solimano itum, interpre-
 tando violarent. Hic quoque visum
 fortune Otthomanicæ, quæ jam
 consecuta est quidquid voluit, nec
 voluit, quod consequi non posset, vi-
 ctoriam, ad Cecoram partem, mo-
 derari: Visum Skinder Bassæ à po-
 pulationibus Regni abstinere. Enim-
 verò quid ex ea demum moderatione
 relatum, nisi ut novis motibus Im-
 pèrium Otthomanicum, palàm,
 aut in obscuro, miscerent: Choci-
 mum, injecto Tyræ ponte, vi ag-
 grederentur: itinera per Valachiam
 infesta redderent. Præmonstrasse pro-
 fectò Amuratem Secundum, na-
 tionis haud ignarum, quid Polono-
 rum animis accommodatum; dum
 Vladislauum ad Varnam (qui, ut pa-
 ce domi frueretur, arma in Ottho-
 manos dolo transtulerat) armis ad-
 ortus, cum exercitu delevit. Nunc
 verò

verò non semel tantum, sed toties peccatum esse in Otthomanos, pariter & in pacta, conventaque. Nec quia pacem hodie per Legatum possant, minus perfidia, animis inesse; resumpturos, utique arma, ubi, rebus ex animi sententia confectis, Legatus redierit. Nimirum exploratum jam esse, Polonos, ut in bello pacem, sic in pace bellum querere. Id Uladislaum Varnensem inter arcana habuisse, & posteros secutos. Adversus quæ, cum Princeps Bassarum, alique optimates variè differerent, eò decursum est, ut Vezeri sententiam omnes operirentur. Qui, damnosam Otthomanis pacem esse prolixius aperiens, hoc ab Ordinibus impetrari æquum censuit, ut virtute suâ culpam Osmani corrigerent, & abolere flagitii memoriam novâ gloriâ paterentur. Addiditque, intendentem sese sedulo in res Legati, re-

scivisse hac demum ex Principe Valachiaë, Judæisque Poloniaë, Legatum nullis publicis literis pro fide instructum, paucorum auctoramento, huc venisse. Itaque tam diu definitionem se differre statuisse, donec ea super re aliquid certi sibi præscriberetur. Deliberatum jam pridem sibi in Poloniam mittere, ut clam, & quovis pacto, consilia Regis, & ordinum explorarentur. Se tamen haud ante id facturum, quàm conjecto in carcerem Legato; ne, datis secretis ad eos, quos suâ causâ facturos scit omnia, literis, consensum Regis, nunc demum, obtineat. Et Equites, mobile apud Turcas hominum genus, facile sententiam Vezeri secuti, in Polonos iniqui, & adversus recta quorundam consilia contumaces. Ad extremum & Bassæ, vultu, qui maximè servit, assentiri coacti; cum præsentia deflere magis, quàm præferre, liceret: Ita

in sententiam Vezeri decretum, &
concio dimissa, bono initio, ex-
itu fœdo. Nec multò pòst, acci-
tis ad se Legati familiaribus, Ve-
zerus pauca purgandi sui causâ
dixit, culpamque in Equitem
contulit, ejus nimio ardori, im-
parem esse auctoritatem suam.
Et monuit Legatum, ut sequen-
ti die in judicium veniret, ne à
lictoribus publicè, & ignomi-
niosè traheretur, vetere, atque
insitâ Turcis superbiâ. Quæ ubi
relata Legato, spe evolutus, de-
ligit familiares, præsentis animi
fideique, aulam Vezeri ingredi-
antur, rogentque per sacra Im-
perii, per hospitalia jura, per
Deum, fœderis testem vindi-
cemque, exueret ferociam. Illi
fas omnium gentium, Legatio-
nis sacra, Legati fidem violari
queruntur, simul petunt, aspice-
F 6 ret

ret literas Regis, reminisceretur vocis, quâ se obnoxium rebus Legati dedisset. Omnia frustra. Namque *Dziurdzius*, successu rerum lætus, adseverato in terrorem vultu, immobilem se precibus, & rationibus juxta ostendit. Animo feroci nunciavit Legato, abjicere spem, & uti necessitate; nescius majestatem supra nos esse, quæ, ut cætera, quæ gerunt homines, dominia tradit quibus visum est, ac eripit, comminuit, aut frenat. Ego sanè sapiùs, cum animo meo humana reputando, ita comperi, & legendo didici, quemadmodum corpora continui frigoris, & tempestuosi, aëris consuetudine obdurari, cœli clementiâ, & soli mollietie dissolvi: ita facile per adversa meliores nos fieri, prosperis corrumpi, & diffluere.

fluere. Ubi secundis rebus, & ex voto fluentibus omnia procedunt, rariùs de virtute, sæpius de magnitudine cogitamus: ex qua humanarum mentium cæcitas, ut plurimum securitatem, & ex ea fiduciam sævit. E contra virtuti per arduum, & confragosum iter vestigia figuntur, tantò solidiora, quantò per plura & majora discrimina videntem ex alto providentia intuetur. Sed ad res Legationis revertamur.

Familiares, re infectâ, ad Legatum redeuntes, cum nihil ex dignitate ejus retulissent, alios in unum convocare jussi sunt. Et Legatus, incensus dolore tantæ ad irritum cadentis spei, & odio iræque, assistentes alloquitur. Sermonis ejus sententia in

F 7 hunc

hunc modum fuit ; Si fato concederem , magnus mihi etiam dolor esset, quod me Reipubl. Regi, Fratri, amicis, in hostico Deus raperet. Nunc scelere Vezeri interceptus , ultimas preces pectoribus vestris relinquo, referatis Reipubl. ac fratri, quibus insidiis circumventus , honestam vitam , pro libertate morte finiverim. Illacrymabit Rex , & Respubl. quondam florentem , & sue causa Legatum , Turcicâ fraude cecidisse. Dziurdzium ego quo nomine compellem , nescio ? An hominem ? qui me cum societate , ac foederibus venientem , per iram , & cupiditatem circumfedit. An Vezerum ? cui tam projecta Regis mei, & Ordinum authoritas. Hostium quoque jus , & sacra Legationis , & fas gentium temeravit. Poloni Legatos Turcicas ne vultu quidem , & adspectu , unquam laeserunt , non timore poten-
tia

tie Otthomanicæ, sed observan-
 tiâ juris gentium : nos egregiam
 ab illis gratiam referimus. Hunc
 ego nuncium Fratri, lata omnia
 Constantinopoli exspectanti, mit-
 tam ? Hic interfici familiares meos:
 me includi, & precarium spiritum
 inter Nominis Christiani hostes tra-
 here ? Cur porro in Chocimicis
 castris Legatum Magnum, tam stu-
 diosè postulârunt. O perfidi ami-
 ci ! Meliùs, & amantiùs illi, qui
 mihi olim in acie mortem intende-
 bant. Cecidissèm certè in acie glo-
 riosiùs, quippe illic honestæ mortis
 usus, hîc inglorium exitium. Ne-
 que tamen Deus sinat, ut ignomi-
 nia mea hæc sit, vinctum sine præ-
 lio, & pugna, custodia mancipatum,
 sine armis Legatum Polonum. Elu-
 at mihi meisque hanc maculam,
 irasque Vezeri in exitium Tur-
 cis vertat. Vos quoque familiares
 mei

mei, quorum ora, & pectora nunc
 intueor, si amorem Patriæ, obsequium
 Legato reddidistis, me in hac sum-
 ma vitæ ne derelinquite, exemplo
 Turcas docturi, Polonis nec animos
 deesse, nec virtutem. Sæpe paucis no-
 stris adversus multitudinem Tur-
 carum benè pugnatum; Id monu-
 mentum non intermoritura memo-
 riæ, id fidei Symbolum erit. Plura
 dicerem, familiares, & contemnen-
 dam vobis esse mortem suaderem,
 sed vobis abundè dictum puto, qui
 metuendam esse nondum didicistis.
 Finierat: & omnes juravêre, dex-
 tras invicem contingentes, a-
 nimas antequam ultionem amif-
 suos. Ergo Legatus, obdurato
 contra fortunam sævientem pe-
 ctore, captivitatem haud inultâ
 morte effugere decrevit; ma-
 gis animis, quàm viribus fretus.
 Tecta, ubi tormenta aliquot
 cam-

campeſtria, avertendo periculo,
 locaverat, ſcandere pedites ju-
 bet; ſentiens, quantum addat,
 hinc ad extrema virtutum ſti-
 mulum ſalutis deſperatio. Ita
 non minori jam animo, quàm
 metu, ſpe omni tranſcripta ne-
 ceſſitati, verſus in cœlum, Deum
 obteſtabatur, uti ſcleris, atque
 perfidiæ *Turcarum* teſtis adeſſet.
 Et mirum fortassis poſſit videri,
 tantùm tàm Legatum apud *Tur-*
cas auſum, ut in media ipſorum
 urbe, trecentis tantum ſuis ſe-
 ptus, palàm vim vi repellere vel-
 let; ſed reputantibus, quo in pe-
 riculo tunc fuerit, haud incre-
 dibile videbitur, virum fortem,
 & liberum, quidvis ſubire vo-
 luiſſe, quàm ut ſub arbitrium,
 & poteſtatem *Turcicam* ultrò
 concederet. Eâdem die, etſi va-
 gis adhuc & incertis authori-
 bus,

bus, erat tamen in ore fama-
que Hussieimus, cujus de virtutibus su-
 pra memoravi; ac plerumque
 ad nomen ejus Legatus erige-
 batur. Interea familiares Lega-
 ti, crebris ignibus factis, ple-
 rumque noctis, more suo, quem
 acuebat ipsa spei desperatio, læ-
 tari, exultare, strepere vocibus.
 Quæ *Turcis* ex tenebris, & edi-
 tioribus locis facilia visu, ma-
 gna admiratione erant. Ipse Le-
 gatus, *Schachidum* lusu, acriores
 de infortuniis suis cogitationes
 sepeliit; impetratâ prius no-
 xarum veniâ, & animo corpo-
 reque cœlo commendatis. No-
 ctis fermè concubium erat, cum
Imbraim Bassa, aulæ *Soltanarum*
 Præfectus, ad Legatum miserat
 duas puellas, *Cytharæ*, & can-
 tûs peritas, quarum cantu, vel
 formâ levaretur. At propinquo
 rei

rei discrimine, explorandos *Ianizavorum* animos ratus Legatus, dat negotiū paucis, cæteros quidem ad spem prolicerent, *Dziurdzium* exturbādi, *Husseimum* autem, quoquo modo, surrogarent. Obscuro jam cœlo, egressi *Ianizari*, quibus datum negotium erat, per cognitos viarum ductus; adeunt Tribunos, singulorum virtutem poscunt, ac fidem. *Husseimi* decorem, militare robur, magnanimitatem laudibus ferunt, reddendamq; gratiam, non magis prompto consilio, quàm occasione fatentur. Simul *Dziurdzium* avarum, crudelem, superbum, ut magistratus gerentes comparatione ferè estimamus. Inter quæ, de sententia Tribunorum, statuunt horam, *Husseimo* omnes munus *Vezeri* deferant, Principium exilio aut exitio

exitio *Dziurdzii* parantibus fatis. Tunc primâ luce proripiunt sese, atque unanimi consensu Regiam conclamant, nullo, nisi consciis, noscente, quod seditionis initium, quis finis? Ubi verò patuit, *Husseimum* ad dignitatem *Vezeri* promoveri, longo primum silentio Cæsar hære, mox *Husseimi* virtutes revocare, nimix *Dziurdzii* ferociæ subira-fci. Quin, ingravescente interno certamine, permittere *Ianizaris* licentiam, atque ultionem, & satietatem. Unde ingressus Palatium Tribunus *Ianizarorum*, *Dziurdzium* seorsim evocat: quasi aliquid secreto allocuturus. Atque, ex adverso ostendente se *Ianizarorum* multitudine, tùm Tribunus, Siste, inquit, *Dziurdzi*, moveri te dignitate Cæsar jubet, ejusque nomine sigillum pone.

pone. Ille, improvifâ denuncia-
 tione perculsus , *Ianizarosque*
 complures circum fe aspiciens,
 figillum tradidit ; fanè efficaci
 argumento , nihil tam excelsum
 effe , quod fupra ruinam confi-
 ftat , & frustra homines res cu-
 rare, fi occulta fatorum vis, con-
 filiorum abdita turbatura, impli-
 cari terrena cœleftibus velit. Sta-
 timque in *Huffeimi* manus , qui
 præftò accurrerat , figillum ve-
 nit, traditumque eft. Et his, in
 hunc modum peractis , unus
Ianizarorum , aâto ad Legatum
 equo, voce magnâ, proſpera
 quæque, non ex vano , pollice-
 tur ; præmio decem aureorum
 à Legato accepto. Demum ape-
 ruit, *Huffeimum* jam *Vezereum*, di-
 ctum effe. Tùm Legatus explo-
 ratores perpetuò in Regiam mit-
 tebat, non contentus auditione,
 pro

pro re comperta, nisi visa etiam domestici ex vero memorarent, quæ explorasse *Ianizari* narrabant. Vix credibile memoratu est, quantum lætitiæ solatiique Legato adoleverit postquam familiares, *Husseimum* rebus admotum, nunciavêre. At *Husseimus*, ut primùm *Vezeri* dignitatem adeptus, læta omnia & affluentia excepit. Primores, per mediam concionem agmine ingressi, cùm novum *Vezereum* salutâssent, secuta ex omni multitudine consentiens vox ratum nomen, magistratumque *Husseimo* attulit. Cives munera gerentes circumsteterant aulam, festisque in *Vezereum* omnibus, ludos opulentiùs instructiusque, quàm olim aliis, faciebant. Quidam candentem ferri laminam, ceu chirothecam brachio induit, eamque

eamque per omnes intrepidè circumlatam, ante spectantium pedes excussit, incolumi manu omnibus demonstratâ. Denique opifices agrestesque omnes, quorum res fidesque in manibus sitæ erant, relictis operibus frequentârunt *Vezerum*, sua necessaria post illius honorem ducentes. Ille gratulationibus, adstantium accurrentiumq; confertim omnium oppressus, communis benevolentix officia, non hilariùs, quàm modestiùs admittit. At *Diurdzius*, per aversam aulae partem, haud minus turpilatebrâ, quàm detestandâ fraude, elapsus, foraminibus & rimis aurem, mox *Husseimi* palatio, admovet. Ab *Husseimo* inventus protractusque inter reliquos locum capere jussus est. Sed ille, flexo in mœstitiam ore, statuit

tuit abire, vel simulatione fugæ, locum fraudi parare. At *Husseinus*, post repetitam dignitatis gratulationem, animo ad seria converso, intendente se jam nocte, ad Legatum misit, monens, ut referret animum ad firmitudinem, & ne quid à se hostiliter timeret, Se amicitia Polonorum apud animum suum nihil carius habere. Id adeò experiri licet, quidquid animo libet, uteretur.

Dum ista geruntur, non rumor jam, sed undique nuncii incedunt, qui accessisse *Turtis* in *Appulia Manfredoniam*, interfectis incolis afferrent. Et quidem ego, à rebus Legationis Stylum parumper abstinebo, dum de victoria *Turcarum* strictim aliqua subjungam. *Halli Bassa*, *Adriae* angustum fretum nuper transgressus,

fus, omni spe curandum existi-
 mavit, ut insulam præsidiumque
Hispanorum, in mari mediterræ-
 neo in *Ottomanicam* redigeret
 potestatem. Itaque Insulam ag-
 gressus est, non quidem virtute,
 sed prosperiore fortunâ ex infi-
 diis usus, eâ celeritate, ut pri-
 mùm circumventam insulam vi-
 derent, quàm cœptum *Turcarum*
 iter præfidiarii audirent. Pri-
 mùm pugnatum ancipiti Marte,
 donec prælium nox dirimeret.
 Postridie ejus diei, incolæ arma-
 ti littora defendere, improspere
 magis quàm instrenuè. Sed ubi
 primùm locis cognitis *Turcæ* in
 littore constiterunt, omnes Re-
 gis *Hispaniarum* exercitus in fu-
 gam conjiciebantur; tantâ con-
 sternatione ac celeritate, ut im-
 perio obsequioque turbatis, na-
 ves

ves *Alvari Cardonæ*, cruce Christi
insignes, Turcis relinquerent.
Igitur *Halli Bassa*, celerandæ vi-
ctoriæ intentior, dedit impe-
tum in campos, fortunam ten-
taturus. Tùm cœptâ sub primam
lucem, non acri minùs quàm
constanti ad mediam usq; diem
verberatione, apertâque jam
multis locis civitate, ad oppug-
nationem instruit aciem, acuen-
te vires exercitûs Turcici irâ.
Tùm signo dato, animatisque
militibus à gloria, vel à præda,
in civitatem penetravit, quæ
munimentis adversum hostes in-
structa non erat quantùm fa-
tis. Negligentia oppidanorum e-
tiam pro successu Turcarum
fuit. Et cujusdam prudentiæ est,
hostium vitia in gloriam suam
conferre. Ac oppidani quidem,
quem-

quemcunque fors obtulerat contrucidati sunt ; quasi victoriæ jure , quod inter arma militares maximè prætendunt, & eo abutuntur. Non nulli per tenebras & ruinas elapsi, cæteris omnibus postpositis, sola in fuga præsidium collocârunt. Oppidum prædæ militum, uti promiserat, tradidit *Halli Bassa*, paucosque post dies, ingenti prædâ potitus, *Constantinopolim* revertitur, exercitu victore reducto; Circumferebantur Christianorum signa vexillaque, ostentati etiam captivi, Ex quibus centum adolescentes , formâ conspicui in Regiam, ad stuprum trahebantur; quos publicum imperii sui thesaurum rati, primùm publicâ curâ sumtuque alendos & educandos Magistri suscipiunt, Deinde,

inde, robore corporibus animisque sumto, *Ianizaris* aggregantur. Et satis compertum, facile virtutem mutari, corrupto per licentiam ingenio, omisſamque adolescentiæ quasi legem perniciosius repeti. *Halli Bassa*, lætus clarusque eventu, in Regiam ascendit, ibique Cæſar, cum Proceres approperassent, simul cum aliis donis, auream vestem humeris ejus, instituto suæ gentis, imposuit. Cæteri, venerantes triumphatorem, festis vocibus consalutavêre, propter claritatis ac magnitudinis rerum gestarum admirationem. Illi etiam ipsi, qui ex successu præcedentium annorum, & animum *Halli Bassæ*, & fortunam colligebant, rem ad gloriosum finem adductam, fatebantur. Sic triumphavit *Halli Bassa*,

Bassa, magnâ omnium cum lætitia, & admiratione. Porro tam improvifam ejus prosperitatem, fubita excepit commutatio, expertusque est magnæ fortunæ felicitatem, & vices rerum humanarum: quæ nihil effe patiuntur, quod est, quæ majores omnibus, & pares, maximos quoque & maxima invadunt. E Regia enim egressus, circumfusam *Ianizarorum* multitudinem obviam habuit, à quibus, licet insigni canitie venerabilis, ad exitium poscebatur. Authorem cædis in *Armenia* factæ, promotorem *Abassii*, proditorem contubernalium, clamitabant; Nec defensionis locus. Ubi crudescere seditio, & à cōvitiis, ac probris, ad tela transibant, periculorum gnarus, jurejurando promittit, *Abassium* se il-

lis intra Mensem traditurum. Sic mitigatis animis, domum, extremo jam die, venit. Nunc initia causasque cædis *Ianizarorum* in *Armenia* expediam, stylumque meum ad externa iterum convertere, instituto haud indignum fuerit.

Abasius, natione *Roxolanus*, inter omnia nautarum ministeria, inter difficillima *Helleponti*, à primis retrò actis annis tractus, & educatus. Nec segnis, & donec bellum fuit, inter præstantes splendidissimus, spem magistratûs, non servili animo, quam semiagrestis, conceptam, acriùs in dies rapiebat; faventibus plerisque militum, prono in se *Halli Bassa*. Itaque post navatam aliquoties fortiter operam, *Bassis* adscribitur, & in quadam
Arme-

Armenia Provincia *Ianizarorum* supremus nominatur ; subscribente Cæsare. At *Ianizari* loci illius, *Abasium*, externum hominem, & de gente, Turcis execrabili, oriundum, nullo cultu prosequabantur. Subibat enim pudor degeneravisse Turcas, missum alio ex orbe præfectum, hostium artibus infectum. Ubi illam gloriam trucidantium externos, exturbantium Christianos, si mancipium *Ottomanicum*, tot per annos servitutem perpeßum, Turcis imperitet ? Igitur *Abasius*, à Cæsare rebus impositus, à *Ianizaris*, & incolis ad magistratum non admittitur : primoque congressu fusus, reparat vires, civitateque potitur ; ex ferocia & successu prædæ intentus. Victos *Ianizaros* oppidanosque catenis

onéravit, fidei illorum diffusus. Deinceps, quantum de excidio illorum victor, tantum de salute sua ipse cogitans, supra proprias clientelas, ope *Persarum* adjutus, non furtim jam, sed palàm, bello infensare *Armeniam*, quosque fidos *Ianizaris* rebatur depopulari, &, si copiae contra ducerentur, eludere, huc quoque & illuc volitans, plura famâ quam pugnâ exterrere. Postremò, desperatis rebus, & compositae militiae contemptu, in quamcunque crudelitatem, cum odio omnium ac damno, uti, manifesto indicio, humillimos quosque, ubi alta accesserint, superbiâ, atque ambitione immodicos esse. Aliquot post diebus interjectis, veni-
nere *Constantinopolim* quidam *Ia-*

nizari

nizarorum elapsi, qui *Abasium*
 incularent. Ignominiosum id
 sibi credidēre, nec aliās magis suā
 contumeliā indoluisse ferunt,
 quā quod desertor Religionis
 Christianæ, & mancipium, ho-
 stium more ageret. Cæterum
Husseimo, non ingratum accidit,
 turbari res orientis, ut ea specie,
Ianizaros, acceptæ injuriæ ultores
Constantinopoli abstraheret, simul-
 que luxuriantes eorum animos,
 metu hostium disciplinaque Ca-
 strensi contineri, seque tutiorem
 existimabat, positis urbani peri-
 culi curis. Et inter hos dies bel-
 lum *Constantinopoli* in *Armeniam*,
 & perduellem exercitum, de-
 creto supremi Judicii, denuncia-
 tur. Porro quomodo Turcæ re-
 cuperaverint Provinciam, quo
 pacto, ut eam recuperarent, bel-

la, cum *Abasio*, dein cum *Persis* gesserint, relinquo iis, quibus cura est, accuratiùs externa admirari.

Jam verò, ut nostra prosequamur, Legatus eò majore cum gaudio, quò propiùs periculum res fuerat, hospitio egressus, repente omnem comitatum ire ad *Vezerum*, & ante aulam stare, jubet. Ipse insigni equo devehitur, vetere dignitate conspicuus, avitæ magnanimitatis, etiam inter angustias fortunæ, retinēs. At verò in aulâ ab *Husseimo*, contra quâ *Turcæ* existimabant, & *Christianorum* multi cupiebant, perbenevolè acceptus est. Interiora ingressus, *Vezerumque* complexus, de animo *Dziurdzj*, de injuriis sibi illatis, nec parcè, nec falsò, de pace quoque, de communibus, rebus mul-

multis differuit. Denique aperuir,
 Cantimirum, infesta quaque ver-
 sum signa inferre, per Podolia ac pro-
 xima palabundum, abactis armentis,
 incolis, cæsis, aut captis, per occasio-
 nem ac solitudinem vagari. Facien-
 dum aliquid, quo paci consulere vi-
 deretur. Id adeò in promptu esse, quo-
 niam jus in Cantimirum, & in
 Principem Valachia, latrocinio ef-
 feratos, haberet: quos si locis move-
 ret, fore ut illi plurimum deberetur.
 Amicitiam, fædus, pacem tunc ultrò
 adventuram. Vezerus ex sententia
 Legati omnia se facturum spon-
 det. Non obstabunt, inquit, Canti-
 mirus, & Princeps Valachia fæde-
 ri nostro. Tuta erit vobis Valachia
 & Silistria. Deferam Cantimirum
 & Principem Valachia alium im-
 ponam, ne vos in Podolia & Russia,
 metum inter, & discrimina, habite-

*tis. Prædatores, & Latrones defendant, quibus dulcius bellum, quàm pax. Legatus magnam sibi lætiti-
 am esse, cum Husseinum, talem virum, Deus monuit, ut cum Re-
 ge & Repub. pacem quàm bel-
 lum mallet. Nunc, inquit, quando
 per fortunam licet, quemadmodum
 cœpisti, Deo consultore ac præside,
 perficias, quæ benè perfecisti. Multa,
 atque opportuna habes, quò faciliùs
 errata Dziurdzii, officiis superes. In
 quo curam, providentiam, peritiam,
 sedulitatem, tuam, ac industriam,
 vix ætas hæc, vix postera, ut par est,
 æstimabit. Postremò, hoc in pectus
 tuum demitte. servitutem vobis à Po-
 lonis non deberi. Qui, ut tributum
 solvant, non magis expectandum,
 quàm ut elementa rerum viribus hu-
 manis cedant. Ad ea Husseinus
 placidè & benignè, suâ interesse,
 ne*

ne Otthomanici Imperij corpus, quod sacrosanctum suis debet esse, ambitione, & per hanc discordiâ divellatur. Suâ interesse, ne rupto pacis vinculo, quod omnem mundi, & pulcherrimi operis molem connectit, in arma diuturna Otthomanorum, & Polonorum quies abeat. Fortè Hussaimo, cum de rebus Polonicis loqueretur, tetigerat animum memoria Zolkievij, sciscitandoque eòdem pervenit, ut interrogare Legatum super eo cœpit. Ille, percussus inopinatâ interrogatione, paulum reticuit, deinde collecto animo, fatis jam Zolkievium concessisse, sed donatam receptamque cœlo mentem, respondit.

Factum per eos dies, ut *Vevelius* Legatum ad Hussaimum deferret; tanquam, cognitâ nece

Osmani Dilaverique, multa contra pacta publica tentâisset, eoque in diplomate tributum delevisset. Nempè Legato infensus, à quo illiberaliter habitum, rejectumque se querebatur. Accedebat spes, quâ se principem *Valachia*, ex futuro Turcarum cum Polonis bello, sibi homo, avidus dignitatis, persuaserat. Atque ut huic bello non consilium modò, sed occasionem etiam causamque, præstaret, Legatum apud *Vezerum* violatæ fidei incusavit. Quæ tamen infidi, ac Græci hominis esse, apud *Vezerum* credebantur: qui obligatam Legato fidem servare, constantiæ famæque duxit; præsertim quòd suspectum haberet *Veyellium*, ad Principatum *Valachia* ambitiosè respicientem. Ea propter in vincula

cula conjectus, gravissimi criminis postulatus est; donec cum arbitrio Legati puniendum traderet. Qui exitio ejus, per avitam animi moderationem, abstinuit; ut pateret omnibus, malos cum maximè nitantur in bonorum exitium, frustra esse, bonos, cum in promptu habeant, nocere nolle. Hæc mihi ex vero, nec præter feriem temporis, cujus res persequimur, memorata sunt. Et ignoscant, ad quos hæc cura nostra pervenerit, quòd, cavendis pessimorum insidiis, magni sceleris exemplum post futuris transmissim.

Interea in Polonia, nondum cognito, qui rerum *Constantinopoli* fuisset successus, inter falsa ac incerta famæ, rerum fide haud pauci destituebantur. Alii de-

ten-

tentum quidem Legatū, cum honore tamen haberi, vulgabant, credebantque: alii, velut præfagientibus animis, graviora metuebant, alii jam de discessu aliquid ab aliis accipiebant.

Cæterum *Constantinopoli* Huseimus Legato pauca per Secretarium referens, petito secreto, cætera ipse aperit, suadetque, in Judicium veniret, posse illi optatum eventum contingere; de restituendis; Legato honoribus sollicitus. Namque singulos, quibus suffragii jus erat, adortus, facile apud volentes obtinuit, ut in eandem secum sententiam, & quidem non gravatè, concesserint. Tum circumspectis rebus, &, quæ conciliandis animis idonea, provisus, die statō ad locum Magni Consilii itur. Et nonnihil

hil jam progressus erat Legatus,
 cū duo, purpurâ splendidissi-
 mi, honoris causâ ei obviarunt.
 Ab his adductus, ubi ad dicen-
 dam causam locum & tempus
 habuit, hæc, aut talia, locutus.
*Non miror, vos nuper trucem in me,
 inauditum indefensumque senten-
 tiam tulisse. Neque enim vestrâ vo-
 luntate, sed Dziurdzii immodicâ
 dominatione, jura gentium, & Regis
 mei dignitas, violabantur. Nec, si
 nuncius belli venissem, idè aut Prin-
 cipi meo contemptus, aut mihi pœna
 subeunda esset. Nunc, quòd arbiter,
 & firmator pacis, turpi ignominiâ,
 hoc in loco sum affectus, an decorum
 genti Otthomanicæ, quæ Iuris gen-
 tium observantiâ hætenus floruit,
 vestris meditationibus relinquo. Et
 sanè inter tot pericula, succedentes-
 que Dziurdzii artes, in securitatem*
 me

me subductum, unius Huseimi adventu felicitateque. Enim verò non opis mea fuit. Et omnino quod agnoscam, ac venerer prudentiam Huseimi, cuius gratiâ me relevatum divina Bonitas presenti ope adjuvit. Iam verò quando huc, Dei beneficio, adducta res est, opus apud vos aggregior, plenum utrique populo utilitatis, agrestibus jam pridem exoptatum; ipsâ etiam pace iucundum, ac salutare. Antiqua fœdera, amicitiam, fidem, præcipua bonorum hominum bona, vos, credo, quâ nos constantiâ retinebitis. Sit ante oculos Solimanus, quem longâ victoriarum serie celebrem, non quorundam insolentia, aut vicinorum persuasio, in nos potuit commovere. Neque erat adhuc rupti fœderis exemplum. Osmanus bello, & à Cantimiro (cui compositis rebus nulla spes, omne in turbido

con-

consilium) evocatus, cum invidia
 quamvis, contra nos cum exercitu ve-
 nit, Solatium utriusque populi agre-
 stes habent, res concordia transactas.
 Provisum per Dilaverum, & nostros
 Commissarios videtur, ut, ne post lon-
 ga tempora quidem bello locus sit.
 Vos monere prolixè ad pacem, neque
 temporis hujus, & impletum est o-
 mne consilium, si pacem amatis. Re-
 bus, ad Chocimum inceptis, addite
 auctoritatem, & eam, quod unum
 superest, perpetuitatem. Nec multò
 post Hufseimus palàm docuit, ap-
 probanda pacta Chocimica, civi-
 lium inter bellorum motus. Iam Ar-
 meniam, & pulcherrimam Eu-
 phratis oram descivisse, nec aliud
 Imperio Otthomanico relictum,
 quàm, ut compositis rebus in Vala-
 chia, plurimâ Ducum militiaeque cla-
 de funestata, in Orientem exercitum

mo-

moveat. Satis detrimenti bello Valachico partum, & violatione antiqui fœderis, nimium invidia. Ne concupiscerent Poloniam vastare potius, quàm amicam servare. Simul pacta conventa protendens, modò singulis, modò universis legens, postremò assidenti Legato reddidit. His, atque talibus mitigati Bassæ, idem illis, quod Husscimo, hæctenus alia urgentibus, probatum. Ita in pacta conventum est: quæ memoriæ temporum, & ut boni successûs exemplum illis sint, qui rem Poloniam cum Turcis vel odio, vel ignorantia evertunt, ex fide subjeci.

1. Utriusque populi subditi ab utrisque tuti sunt.

2. Ne-

2. Negotiationes, Mercaturas, alteri apud alteros exercento, ac perinde ut ante receptum inter se agunto.
3. Cosacos Zaporovieneses navigatione maris Euxini Rex arceto. Cæsar quoque Tartaros Bielogrodienses, Thehincenses, Kilienses, Dobruceses, Cremenses ab incursionibus abstrahito, ultra Oczakoviam exire ne permittito.
4. Desertos campos, vacuaque loca, quæ alteris ab alteris intercedunt,

dunt, neuter invadunto
adeuntoque, extra quam
venationis & piscationis
causâ.

5. Nec Castellum ullum ur-
bemve iis in locis con-
dunto, aut præsidium im-
ponito.

6. Si quæ injuriæ damna-
que facta fuerint, alteri
alteris vindicato restitui-
toque.

7. Si quid horum Tartari
admiserint, nec vindica-
tum fuerit Chami cri-
men, isque reus apud Cę-
sarem esto.

8. Stipendia Tartâris, pro-
ut

ut ab aliis Regibus ad-
missa pactaque, Rex ex-
hibeto.

9. Tartari vicissim pro iis
obsequium Regi præ-
bento, & ubi opus fuerit
auxiliantor.

10. Ad Valachiæ principa-
tum ut antea, ita deinceps,
nisi initiali fidei la-
vacro tincti evehuntor,
neque Turcicæ Religio-
nis admittuntor.

Hæc in speciem magis *Con-*
stantinopoli scripta : cùm nihil
in iis adjectum, quod veteribus
pactis non contineretur, vel
barbaro hosti ad votum cede-
ret. Ita his promulgatis, ad Le-
ga-

gatum captivi Polonorum, liberati catenis, adducti, nullo sermone, porrectâ tantum dexterâ ab eodem excipiuntur, ut, vel hac ratione, dignitas eorum tegeretur. Squalidi illi omnes, promisso capilitio, misero victu, afflicti desiderio Legati, in ejus conspectu stetere. Tandem concio, opinione celerius, dimissa. Hinc Legatus, Regem & Rempubl. pacta observaturum, fidem suam obstrinxit Cæsare coram, à quo post solitas venerationes, & multa verborum officia, digressus, egit quàm maximas *Husseimo* gratias, ob collocatum in se, Regemque suum grande beneficium, tam feliciter negotio confecto. Eodem die præmissi currus, quibus parvæ additæ equitum catter-

tervæ, ad tutelam sarcinarum. Inter quas cadaver *Samuelis Koreccii*, fide cujusdam clientis peroccultè contectum, & abditum, in Patriam translatum est. Hîc, peractis quàm magnificentissimè parentalibus, in gentilitio *Franciscani* templi Sacello condidère propinqui sui, relicto ad posteros monumento. Consequenti die, Legato *Husseimus* convivium apposuit, eâ quidem magnificentia, quæ & Legatum Reipubl. Polonæ, & Magnum *Vezzerum* condecebat: Sed eâ simul voluntatis erga Rempub. contestatione, quam de amicissimo viro, jam præcepta opinio præscribebat. Nec illud omiserim, quòd domesticum publico adjunxerit fœdus, equo

H Tur-

Turcico, & vase *Balsami*, & aliis pretiosis oblatis Legato. Qui dignum quoque famâ suâ ratus, quâ nemo illâ tempestate Legatorum munificentior habebatur, gemmatum magnâ specie annulum *Vezero*, vestem domus ejus Præfecto, donavit; licet ei jam angustè ab ærario esse cœperat. Et *Vezerus*, multa comiter fatus, Legatum denique arctè complectitur, ac cœlestem illi opem, superstitione Turcicâ comprecatus, subortis lacrymis substitit, ex Legatique oculis ubertim lacrymas expressit. Postero die, gnaris locorum adscitis, *Constantinopoli* discessit Legatus, nullo pristino paratu & splendore, sed decorâ egestate, etiam festis *Saturno* diebus, conspicuus.

Juxta

Juxta idem tempus *Gabriel Beth-*
lemus Transsylvaniae Rector, largus
 animo, & par opibus, misit ad
 Legatum, orans, ut ad se di-
 verteret. Præstò fuere ejus fa-
 miliares; sed creditum famâ,
 perscriptumque mox Legato
 ab *Husseimo*, quòd pristinum
 honorem *Dziurdzius*, largitio-
 ne & ambitu, iterum mercari,
 nec sine exitio Legati voluif-
 set. Se in *Ægyptum* trajicere
 velle, significavit: haud inusi-
 tato hodieque consilio *Vezero-*
rum, qui, memores, potentiam
 apud *Ottomanos* rarò conse-
 nescere, & non minùs certo in-
 teritu gratiæ expectandum esse
 finem, quàm vitæ, naves semper
 paratas habent. Nempe ut li-
 berum habeant in supremis ca-
 sibus in *Ægyptum* perfugium.

Itaque vitatis nonnullis Transsylvaniæ oppidis, compendio viarum ad *Danubium* pervenit; tandem per *Pokuziam* in Patriam remeavit. Pro Solennibus Paschæ venit in oppidum *Konskavvola*; eò majore omnium gratulatione, quò pluribus perfunctum periculis audire.

Hæc, quæ de Legatione *Zbaravij* dicerem, dum ipsius erga Patriam amorem, tolerantiam laborum, res magnificè gestas, mente revolve, in animum venerunt. Datur hoc illustribus viris, ut posteris narrati, & traditi, in ore omnium vivant. Erunt qui *Zbaravij* reminiscuntur, & cum ipsa *Coributorum* gente seros in nepotes, ultimam in propaginem, tantæ Legatio-

gationis memoriam transfundent. Nisi fortè magnitudo rerum, quas gessit, apud dubios, & alienæ gloriæ incuriosos, fidem minuat, apud ingratos amittat. Sed non deerunt ingenia, quæ, victuris in invidiam fati, in injuriam annorum monumentis, certitudinem famæ clarissimo Legatorum adstruent. Cùm multos oblivio abolebit, aut vetustas obruet, *Zbaravium* terris posteritas dabit, neque ante deleri famam tanti Viri finet, nisi cum mundi contextum ultimus dies dissolvat.

Au-

AUCTOR BENEVOLO
LECTORI.

Illud, Benevole Lector, Te
admonitum volo, me usum
esse quibusdam vocibus, ut,
Sors, Fortuna, Fatum, & hu-
jusmodi: non quod cum Ethni-
cis sentirem, sed ut cum illis,
tanquam Linguae Latinae pa-
rentibus, loquerer. Vale, & er-
ratis praeli (in tanta praeser-
tim à me distantia) parce.

FINIS.



re
m
r,
u-
ji-
r,
a-
r-
r-



Biblioteka Jagiellońska



stdr0010887

